
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



i
coll

(00)

2

$$5^{\circ} = 287.$$

FLL

35012

~~79 144 - 8 -~~

~~80 144 - 8 -~~



R-149684

IDATII

EPISCOPI

CHRONICON,

ET

FASTI CONSVLARES.

Operâ & studio IAC. SIRMONT
Societatis IESV Presbyteri.




LVTETIÆ PARISIORVM.

EX OFFICINA NIVELLIANA.

Apud SEBASTIANVM CRAMOISY, via
Iacobæ, sub Ciconiis.

M. DC. XIX.

Cum Privilegio Regis Christianissimi.



Digitized by Google



LECTORI.

De Chronico & Fastis Idatij.


IDATII Chronicon, cuius excerpta tantum quadā ab Henrico Canisio primum, deinde à Iosepho Scaligero edita fuerant, integrum nunc demum indidem prodit, unde nuper Romæ vulgari cæptum est. ex antiquo videlicet codice nostro, quem qui Romanam editionem curavit, quia Parisiis esse audiuerat, Parisiensem appellauit : nos Metensem potius dicturi eramus, quod Metis olim exscriptum arbitremur ; inde certè ad nos ex Monasterio non ignobili nec obscuro peruenerit. Quanti autem merito esse debeat hic libellus, tute, Lector, statim agnoscēs. Intelliges enim, non solum ab hoc fonte hausta ea esse, quæ de Gothorū, Sueuorum, aliarumque gentium rebus in Hispania Galliâq. per ea tempora gestis, apud Isidorum, & alios.

â 1)

scriptores, non aliis fermè quàm Chronici huius
verbis contexta leguntur: sed alia prater-
ea tum ad sacram, tum ad civilem historiam
plurima hìc doceri, quæ ut ceteris omnibus in-
tacta qui extant, ipsi nos etiam, nisi ab Idatio
prodita essent, ignorare cogeremur. Facile ergo
iudicabis, publici usus fuisse, ut nō diutius hoc
beneficio careremus. Nec verò minor, ut spero,
erit gratia Fastorum Consulariū, quos Chro-
nico adiecimus, Idatianosque iam alibi nomi-
navimus: non tam quod in eodē codice Idatii
Chronico subiiciebantur, quàm quod rerum &
verborum in utroque opere affinitas & cognatio,
epocharūmq. & temporum par observatio,
totius deniq. scriptionis color idem ac genius,
eundem utriusque auctorem fuisse satis osten-
dant, tametsi auctoris nomen nullum præferat
Inscriptio, quæ his verbis ibi cōcepta est, D E-
C L A R A T I O C O N S V L V M E X Q V O
P R I M V M O R D I N A T I S V N T. Et si
porrò in exemplari nostro procedebant hi Fasti
ad secundum usque Anthemij Consulatum,
hoc est ad ea tempora, in quibus Idatii Chro-
nicon desinit, atque à primis orsi Consulibus,
omnia exinde ad eum usque annū paria Con-
sulum percensebant: nobis tamen, dum aliud
consilium dies proferat, satius in præsens vi-
sum est, eam duntaxat partem edi, quæ & ab

antiquariis minùs fuerat deprauata, & memorabiliũ rerum varietate, atque fructu tibi acceptior, iucundiórque fore videbatur. Fruere itaque, Lector, & vale,

DE NUMERORVM NOTIS,
QVÆ CHRONICI ET FASTORVM
marginibus affixæ sunt.

 *Chronico Idatij, præter olympiadas, & singulorum Imperatorum annos, qui ordine digeruntur, duo præcipuè numeri adnotantur. Vnus maior, cuius initium ducitur ab Abrahamo, hoc est ab exordio Chronici Eusebiani. Nam cum Eusebij Chronicon continuaret Idatius, consequens erat, ut illius etiam epochas sectaretur. Hic igitur prior numerus est Eusebianus. Alter est æra Hispanica, quam in Fastis quoque, ut Hispanis vsitatam & familiarem adiecit. Hæc verò Christi natalem xxxviii. tantum annis antecedit, cum numerus Eusebianus precedat annis ii. xv. Quare si adsignata æra, Christi annum indagari placet, deducendi ab æra sunt anni xxxviii. Verbi gratia, Barbarorum in Hispanias ingressum in Chronico pag. 10. & in Fastis pag. 63. contigisse notat æra ccccxlvii. deduc annos octo & triginta,*

reliqui sunt CCCCIX. Is ergo Christi annus fuit, cum Barbari in Hispanias penetrarunt. Quod sanè confirmant reliqui etiam characteres, qui una ibidem comparantur. Olympias enim CCXCVII. & Consules Honorius VIII. Theodosius III. & feria tertia quarto Calendas Octobris, omnia congruunt anno Christi CCCCIX. Rursus pag. 40. prodigia quadam in Gallacia VI. Nonas Martias visa, eamque feriam sextam fuisse narrat in Chronico, era quingentesima. Si de quingentis tollantur XXXVIII. restant CCCCLXII. Annus ergo Christi fuit CCCCLXII. in quem & feria item illa quadrat, & Severi Aug. qui Maioriano successit, annus secundus, cui hac adscripta sunt. Atque in hunc modum ratiocinari in ceteris licebit, nisi si quando numeri suis locis antiquariorum culpa moti scrutantium industriam & conatam eludent.

XXXXXXXXXXXXXXXXXXXX
 VETERVM DE IDATIO
 TESTIMONIA.

*Leo Magnus sub finem epistola xci. ad
 Turibium Episcopum Asturicensem.*


SI autem aliquid, quod absit, obstiterit, quo
 minus possit celebrari generale Conciliū,
 Gallæciæ saltem in vnum conueniant Sacer-
 dotes. quibus congregatis fratres nostri H Y-
 D A T I V S & Ceponius imminebunt, coniu-
 cta cum eis instantia tua, quo citius vel pro-
 uinciali conuentu remedium tantis vulnerib.
 adferatur. Neque enim mihi dubium, quin hîc na-
 ster sit Hydatius, Episcopus Gallaciæ, qui vnâ cum
 Turibio, vt Chronici pagina 24. declarat, aduersus
 hereticos laborabat. Hydatium autem ΤῡΔΑΠΟΥ, ori-
 gine Græca dictum fuisse verisimile est, cū ita quo-
 que scribatur in eodem exemplari nostro, & apud
 Sigebertum, & alias.

*Ex Libello de XII. Scriptoribus Ecclesiasticis,
 qui Isidoro & Ildefonso subiici solet.*

ID A T I V S prouinciæ Gallæciæ Episcopus,
 secutus Chronicam Eusebij Cæsariensis E-
 piscopi, seu Hieronymi presbyteri, quæ vsque
 hodie in Valentis Augusti imperium edita de-
 claratur, dehinc ab anno primo Theodosij Au-

gusti, vsque in annum imperij Leonis V. II. subiunctam sequitur historiam : in qua magis barbararū gentium bella crudelia narrat, quæ premebant Hispaniam. Decessit sub Leone principe, vltima iam penè senectute, sicut etiā præfationis suæ demonstrat initio.

Sigebertus de viris Illustribus, cap. XVIII.



YDATIVS Lemicæ Hispaniarum vrbis Episcopus Chronicā initiatam à primo Theodolij Imperatoris Consulatu composuit. In *Chronico Sigeberti Idatii Chronicon suum* *cessit ad Christi vsque annum ccccxc.* *Augusti xvii. quod falsum est, cum vi-* *gentante minimū annis sub Leone Augusto scri-* *bendi vivendique finem fecerit, ut superiora decla-* *rant.*

IDATII



I D A T I I
E P I S C O P I
C H R O N I C O N .



P R A E F A T I O .

IDATIVS *seruus* D. N. IESV
Christi vniuersis fidelibus in Do-
mino nostro IESV Christo, &
seruientibus ei in veritate salutem.



ROBATISSIMORVM
in omnibus virorum stu-
dia, quos praecipue in fide
Catholica, & conuersa-
tione perfecta testes veri-
tatis diuini cultus docet adsertio, vt
ornantur decore dictorum, ita & com-

A

mendantur honore meritorum, ut miram in omni opere suo obtineant firmitatem. Verùm **IDATIUS** prouinciæ Gallæciæ natus in Lemica ciuitate, magis diuino munere, quàm proprio merito, summi præsul creatus officij, ut extremus plagæ, ita extremus & vitæ, perexiguum informatus studio sæculari, multo minus docilis sanctæ lectionis volumine salutari; sanctorum & eruditissimorum patrum in præcedenti opere suo, pro capacitate proprii sensus aut verbi, ostensum ab his secutus exemplar. Quorum primus Eusebius Cæsariensis Episcopus, qui Ecclesiasticas sui numeri libris scripsit historias, ab initio Nini regnantis Assyrii, & sancti Abrahamæ Patriarchæ Hebræi, & reliquorum contemporales his annos regum, in vicesimum Constantini Augusti quo imperabat annum, Græci sermonis Chronographiæ concludit historia. Post hunc successor syngraphus perfectus vniuersis factorum dictorumque monumentis, Hieronymus presbyter, idem Eusebius cognomento, de Græco in Latinum scripturæ huius interpres, à vicesimo anno su-

prædicti Imperatoris in quartum decimum Valentis Augusti annum subditam texit historiam. Esto ut in sanctis quibus deguit Hierosolymorum locis, à memorato Valentis anno in tempus, quo in præsentī vita duravit; fortè quamplurima de his quæ sunt infecuta subieterit: quia haud vnquam, dum valuit, à diuerso styli opere cessauit. Quem quodam tempore propriæ peregrinationis in supradictis regionibus adhuc infantulus vidisse me certus sum. Qui post aliquot annos beato ut erat mansit in corpore. Si tunc proprio operi quod subdidit aliqua subiunxerit, apud eos, ad quos scriptorum eius omne opus vel summa peruenit, certa & plena cognitio est. Sed quoniam in cuiusdam studij sui scriptura dixisse eum constat, debacchantibus iam in Romano solo barbaris omnia haberi permixta, atque confusa, opinamur ex huius indicio sermonis, in hoc per se annorū volumine subdito de successione temporum ab ipso nihil adiectum. Tamen quia ad nostri temporis cursum, ut superior lectio docet, descriptio defluxit annorum, cū membra-

A ij

na huius historiae curam contigisset expertis, mentem monuit imperiti, ut de cognitis, etsi in omnibus impari gressu, vel vestigiis se substerneret praecessorum. Quae fideli suscipiens cordis intuitu, partim ex studio scriptorum, partim ex certo aliquantum relatu, partim ex cognitione quam iam lacrymabile propriae vitae tempus ostendit, quae subsequuntur adiecimus. Quorum continentiam gestorum & temporum, qui legis ita discernes. Ab anno primo Theodosij Augusti in annum tertium Valentiniani Augusti, Placidiae reginae filij, ex supradicto à nobis conscripta sunt studio, vel ex scriptorum stylo, vel ex relationibus indicantur. Exin immerito adlectus ad Episcopatus officium, non ignarus omnium miserabilis temporis ærumnarum, & conclusi in angustias imperij Romani metas subdidimus ruituras, & quod est luctuosius, intra extremam uniuersi orbis Gallæciam deformem Ecclesiastici ordinis statum, creationibus indiscretis honestæ libertatis interitum, & uniuersæ propemodum in diuina disciplina religionis occasum ex furentium

dominantem permixta iniquarum perturbatione nationum. Hæc iam quidem inserta ; sed posteris in temporibus quibus offenderint , reliquimus consummanda.

IDATII EPISCOPI CHRONICON.



ROMANORVM XXXIX.
Theodosius per Gratianum in consortium regni adsumptus, cum ipso, & Valentiniano iuniore regnat annis xvii.

1 Theodosius natione Hispanus, de prouincia Gallæcia, ciuitate Cauca, à Gratiano Augustus appellatur.

Inter Romanos , & Gothos multa certamina conferuntur.

2 Theodosius Constantinopolim ingreditur in primo consulatu suo, quem cum Gratiano agebat Augusto.

OLYMP.
CCXC.

Alexandriæ xxi. habetur episcopus Theophilus vir eruditissimus , insignis, qui à primo consulatu Theodosij Augusti Laterculum per centum annos digestum de Paschæ obseruatione con-

A. iij

scripsit.

3 Athanaricus rex Gotthorum apud Constantinopolim decimo quinto die ex quo à Theodosio fuerat susceptus, interiit.

ccccxx.
vii. Iobe-
leus ex quo
Dominus
ascendit.

4 Gothi infida Romanis pace se tradunt.

Ambrosius in Italia Mediolani episcopus, Martinus in Galliis Turonis episcopus, & vitæ meritis, & patratis miraculis virtutum habentur insignes.

5 Theodosius Arcadium filium suum Augustum appellans regni facit sibi esse consortem.

—
ii. cccc.

6 Honorius nascitur filius Theodosij.

Legati Persarum ad Theodosium Constantinopolim veniunt.

OLYMP.
ccxci.

7 Greothingorum gens à Theodosio superatur.

Priscillianus declinans in hæresim Gnosticorum, per episcopos, quos sibi in eadem prauitate collegerat, Abulæ episcopus ordinatur. qui aliquot Episcoporum conciliis auditus, Italiam petiit, & Romam. Vbi ne ad conspectum quidem sanctorum episcoporum Damasi, & Ambrosij receptus, cum his cum quibus iuerat, redit ad Gallias.

Inibi similiter, à sancto Martino episcopo, & ab aliis episcopis hæreticus iudicatus, appellat ad Cæsarem; quia in Galliis his diebus potestatem tyrannus Maximus obtinebat imperij.

8 Arcadij quinquennalia celebrantur.

Romanæ ecclesiæ xxxvj. habetur episcopus Siricius.

9 Priscillianus propter supradictam hæresim ab episcopatu depulsus, & cum ipso Latronianus laicus, aliquantique sectatores eius apud Treuirim sub tyranno Maximo cæduntur. Exin in Gallæciam Priscillianistarum hæresis inuasit.

10 Maximus tyrannus occiditur per Theodosium tertio lapide ab Aquileia quinto Kalendas Augustas: & eodem tempore, vel ipso anno in Galliis per Arbogastem Comitem filius Maximi nomine Victor extinctus est.

Cynegius Theodosij præfectus habetur illustris, qui factis insignibus præditus, & vsque ad Aegyptum penetrans gentium simulacra subuertit.

11 Theodosius cum Honorio filio suo Romam ingressus est.

OLYMP.
CCXCII.

13

ccccxxx. 14 Valentinianus iunior apud Vienne-
nam scelere Comitis Arbogasti occi-
ditur, & Eugenius tyrannus effici-
tur.

OLYMP. 15

CCXCIII.

II. ccccx.

16 Eugenius à Theodosio Augusto su-
peratus occiditur.

17 Theodosius inualetudine hydro-
pis apud Mediolanum defunctus est
anno regni sui xvij. Et iste annus, qui
Theodosij xvij. ipse Arcadij. & Hono-
rij in initio regni eorum primus est.
quod ideo indicatur, ne olympiadem
quinque annorum turbet adiectio, in
hoc loco tantum propter regnantum
inserta principum.

I ROMANORVM XL. Arcadius, &
Honorius Theodosij filij defuncto pa-
tre regnant annis xxx.

2

OLYMP.

CCXCIV.

3 [Romanæ Ecclesiæ xxxvii. habe-
tur episcopus Anastasius.]

4

5 In prouincia Carthaginiensi in ci-
uitate Toletæ synodus episcoporum
contrahitur, in qua quod gestis conti-
netur, Symphosius, & Diſtinus, & alij

cum his Gallæciæ prouinciæ episcopi, Priscilliani sectatores hæresim eius blasphemissimā cum adsertore eodem professionis suæ subscriptione condemnant. Statuuntur quædam etiam obseruanda de ecclesiæ disciplina, cōmunicante in eodem concilio Ortigio episcopo, qui Cælenis fuerat ordinatus, sed agentibus Priscillianistis pro fide catholica pulsus factionibus exulabat,

6

7

OLYMP.
CCXCV.

8 Solis facta defectio tertio Idus Nouembris feria secunda.

Romanæ ecclesiæ xxxviii. habetur piscopus Innocentius.

9 Theodosius Arcadij filus nascitur.

10 Constantinopoli Ioannes episcopus prædicatur insignis, qui ob fidem catholicam Eudoxiam Arcadij vxorem infestissimam patitur Arrianam.

—
II. ccccx.

II

OLYMP.
CCXCVI.

12 Hierosolymis Ioannes, Cæsarea Eulogius, Cypro Epiphanius, Alexandria Theophilus qui supra, episcopi habentur insignes.

Hieronimus presbyterio præditus,

in Bethleem Iudæ vicinia consistens, præcipuus habetur in cunctis.

13 Post superscriptos sanè Arrianos, qui Hierosolymis ante Ioannem episcopifuerint, Idatius, qui hæc scribit, scire non potuit. Hunc verò sanctum cum sanctis Eulogio, Theophilo, & Hieronymo vidit, & infantulus, & pupillus.

14

OLYMP.
CCXCVII.

15 Alani, & Vvandali, & Sueui Hispanias ingressi æra ccccxlvii. alij quarto Kalendas, alij tertio Idus Octobris memorant die, tertia feria, Honorio viii. & Theodosio Arcadij filio iii. Consulibus.

Alaricus rex Gothorum Romam ingressus. cùm intra, & extra Urbem cædes agerentur, omnibus indultum est, qui ad sanctorum limina confugerunt.

Placidia Theodosij filia, Honorij Imperatoris soror, à Gothis in Vrbe capta.

Alaricus moritur, cui Ataulfus succedit in regno.

Barbari, qui in Hispanias ingressi fuerant, cæde deprædantur hostili. Pestilentia suas partes non segnius operatur.

16 Debacchantibus per Hispanias barbaris, & sæuiente nihilominus pestilentia malo, opes & conditam in urbibus substantiam tyrannicus exactor diripit, & miles exhaurit: fames dira grassatur, adeo ut humanæ carnes ab humano genere vi famis fuerint deuoratae: matres quoque necatis, vel coctis per se natorum suorum sint pastæ corporibus. Bestiæ occisorum gladio, fame, pestilentia, cadaueribus adsuetæ, quosque hominum fortiores interimunt, eorumque carnibus pastæ passim in humani generis efferantur interitum. Et ita quatuor plagis, ferri, famis, pestilentia, bestiarum, ubique in toto Orbe sæuientibus, prædictæ à Domino per prophetas suos adnuntiationes implentur.

17 Subuersis memorata plagarum grassatione Hispaniæ prouinciis, barbari ad pacem incundam, Domino miserante conuersi, sorte ad habitandum sibi prouinciarum diuidunt regiones. Galæciam Vvandali occupant & Sueui, sitam in extremitate Oceani maris occidua. Alani Lusitaniam, & Carthaginensem prouincias: & Vvandali co-

gnomine Silingi Bæticam sortiuntur. Hispani per ciuitates, & castella residui à plagis, barbarorum per prouincias dominantium se subiiciunt seruituti.

Constantinus post triennium inuasę tyrannidis ab Honorij duce Constantio intra Gallias occiditur.

18 Iouinus, & Sebastianus fratres intra Galliam, & in Africa Heraclianus pari tyrannidis inflantur insania.

OLYMP.
CCXCVIII.

Augustinus Hipponensis episcopus habetur insignis, inter cuius studia magna, Donatistas ab eo Dei adiutorio superatos, probata fides demonstrat auctorum.

19 Iouinus, & Sebastianus oppressi ab Honorij ducibus Narbona interfecti sunt.

Gothi Narbonam ingressi vindemię tempore.

Heraclianus mouens exercitum de Africa aduersus Honorium, Vtriculo in Italia in conflictu superatus effugit in Africam, cęsis in loco supradicto L. millibus armatorum. Ipse post Carthagine in æde Memorię per Honorium percussoribus missis occiditur.

II. CCCCXXX. 20. Ataulfus apud Narbonam Placi-

diam duxit vxorem: in quo prophetia Danielis putatur impleta, qui ait filiam regis Austri sociandam regi Aquilonis: nullo tamen eius ex ea semine subsistente.

21 Hierosolymis Ioanne de quo supra episcopo præsidente, sanctus & primus post Christum Dominum martyr Stephanus reuelatur.

[Hieronymus, qui supra, præcipuus in omnibus, elementorū quoq; peritissimus Hebræorū, in lege Domini, quod scriptū est, diurna, nocturnaq; meditatione continuus, studia operis sui reliquit innumera. Ad vltimum Pelagianorum sectam cum eiusdem auctore adamantino veritatis malleo contriuit. Aduersus hos, & alios hæreticos extant eius probatissima monimenta.

22 Ataulfus à Patritio Constantio pulsatus, vt relictā Narbona Hispanias pecteret, per quendam Gothum apud Barcinonam inter familiares fabulas iugulatur. Cui succedens Vvallia in regno, cum Patricio Constantio pace mox facta, Alanis, & Vvandalis Silingis, in Lusitania, & Bætica sedentibus aduersatur.

OLYMP.
CCXCIX.

Alexandrinæ ecclesiæ post Theophilum quis præfederit, ignoravi hæc scribens.

Constantius Placidiam accepit uxorem.

[Fredibálú regem gentis Vvandalorú sine vllo certamine ingeniosè captum ad Imperatorem Honorium destinat.]

23 Vvallia rex Gothorum Romani nominis causa intra Hispanias cædes magnas efficit barbarorum.

24 Solis facta defectio die decimoquarto Kal. Augusti, qui fuit quinta feria.

Romanæ Ecclesiæ xxxix. præsidet Episcopus Zosimus.

Durante Episcopo quo supra, gravissimo terræmotu sancta in Hierosolymis loca quassantur, & cætera, de quibus in gestis eiusdem Episcopi scripta declarant.

Vvandali Silingi in Bætica per Vvalliam regem omnes extincti.

Alani, qui Vvandalis, & Suevis potentabantur, adeo cæsi sunt à Gothis, ut extincto Atace rege ipsorum, pauci, qui superfuerant, abolito regni nomine, de Gunderici regis Vvandalorum, qui in Gallæcia refederat, se patrocini-

nio subiugarent.

Gothi intermisso certamine, quod agebant, per Constantium ad Gallias reuocati, sedes in Aquitanica à Tolosa vsque ad Oceanum acceperunt.

Vvallia eorum rege defuncto Theodores succedit in regno.

25 Inter Gundericum Vvandalorum, & Hermericum Sueuorum reges certamine orto, Sueui in Nerualis montibus obsidentur à Vvandalis.

Valentinianus Constantij, & Placidia filius nascitur.

In Gallicana regione in ciuitate Biterris multa signa effecta terrifica, Paulini epistola eiusdem ciuitatis episcopi enarrat vbique directa.

26 Vvandali Sueuorum obsidione dimissa, instante Asterio Hispaniarum Comite, & sub Vicario Maurocello, aliquantis Bracaræ in exitu suo occisis, relicta Gallæcia ad Baticā transferunt.

[Romanæ Ecclesiæ xl. præsidet Episcopus Bonifacius.]

Honorius apud Rauennam Constantium consortem sibi facit in regno.

27 Constantius Imperator Rauennæ moritur in suo tertio consulatu.

OLYMP.
ccc.

28 Castinus Magister militum cum magna manu, & auxiliis Gothorum, bellum in Bætica Vvandalis infert. quos cum ad inopiam vi obsidionis arctaret, adeo ut se tradere iam pararent, inconsultè publico certamine confligens, auxiliorum fraude deceptus, ad Tarraconam victus effugit.

Bonifacius palatium deferens Africam inuadit.

29

II. ccccxl. 30 Honorius actis tricennalibus suis Rauennæ obiit.

OLYMP.
ccci.

Paulinus nobilissimus, & eloquentissimus, dudum conuersione ad Deum nobilior factus, vir Apostolicus, Nola Campaniæ episcopus habetur insignis: cui Therasia de coniuge facta soror, testimonio vitæ beatæ æquatur, & merito. Extant operis ipsius egregij studia prædicanda.

ROMANORVM xli. Theodosius Arcadij filius ante aliquot annos regnans in partibus Orientis, defuncto patre, post obitum Honorij patruj, monarchiam tenet imperij, cum esset annorum viginti sex.

Ioannes arripit tyrannidem.

i Theo-

1 Theodosius Valentinianum, amitæ suæ Placidia filium, Constantinopoli Cæsarem facit, & contra Ioannē mittit, sub quo à ducibus, qui cū eo per Theodosium missi fuerant, apud Rauennam primo anno inuasæ tyrannidis occiditur, & Felix Patricius ordinatur ex Magistro militum.

Valentinianus, qui erat Cæsar, Romæ Augustus appellatur.

Vvandali Balearicas insulas deprædantur: deinde Carthagine Spartaria, & Hispali euersa, & Hispaniis deprædatis, Mauritaniam inuadunt.

2 Romanæ ecclesiæ XL 1. præsidet episcopus Cælestinus.

3

4 Gundericus rex Vvandalorum capta Hispali, cū impiè elatus, manus in ecclesiam ciuitatis ipsius extendisset, mox Dei iudicio dæmone correptus interiit. Cui Gaifericus frater succedit in regno. Qui vt aliquorum relatio habet, effectus apostata de fide Catholica in Arianam dictus est transisse perfidiā.

5 Gaifericus rex de Bæticiæ prouinciæ litore cum Vvandalis omnibus, eorūque familiis, mense Maio ad Maurita-

OLYMP.
CCCC

B

niam, & Africam relictis transit Hispaniis. Qui priusquam pertrāsiret, admonitus Hermigarium Sueuum vicinas in transitu suo prouincias deprædari, recurſu cum aliquantis ſuis factò, prædantem in Luſitania conſequitur. Qui haud procul de Emerita, quam cum S. martyris Eulaliæ iniuria ſpreuerat, multis per Gaſericum cæſis, ex his quos ſecum habebat, arrepto, vt putauit, Euro velocius fugæ ſubſidio, in flumine Ana diuino brachio præcipitatus interiit. Quo ita extincto, mox quò cœperat Gaſericus enauigauit.

6 Sueui ſub Hermerico rege medias partes Gallaciæ deprædantes, per plebem, quæ caſtella tutiora retinebat, acta ſuorum partim cæde, partim captiuitate, pacem, quam ruperant, familiarum, quæ tenebantur, rehibitione inſtaurant.

Per Aëtium Comitem non procul de Arelatè quædam Gothorum manus extinguitur, Anaolfo optimate eorum capto. Iuthungi per eum ſimiliter debellantur, & Nori.

Felix qui dicebatur Patricius Rauen- næ tumultu occiditur militari.

7 Aëtius Dux vtriusque militiæ Noros edomiat rebellantes. Rursum Sueui initam cum Gallæcis pacem libata sibi occasione conturbant. Ob quorum depredationem Idatius episcopus ad Aëtium ducem, qui expeditionem agebat in Galliis, suscipit legationem. Vetro, qui de Gothis dolosè ad Gallæciam venerat, sine aliquo effectu redit ad Gothos.

8 Superatis per Aëtium in certamine Francis, & in pace susceptis, Censorius Comes legatus mittitur ad Sueuos, supradicto secum Idatio redeunte.

OLYMP.

CCCCII.

Bonifacius in æmulationem Aëtij de Africa per Placidiã euocatus in Italiam ad palatium redit. Qui depulso Aëtio in locum eius succedens, paucis post mensibus, inito aduersum Aëtium cōflictu, de vulnere, quo fuerat percussus interiit. Cui Sebastianus gener substitutus per Aëtium de palatio superatus expellitur.

9 Regresso Censorio ad palatium, Hermericus pacē cum Gallæcis, quos prædabatur assiduè sub interuentu episcopali datis sibi reformat obsidibus;

Symphosius episcopus per eum ad

B ij

comitatum legatus missus, rebus in casum frustratur arreptis.

In conuentu Lucensi contra voluntatem Agrestij Lucensis episcopi, Pastor & Syagrius episcopi ordinantur.

Aëtius Dux vtriusque militiæ Patricius appellatur.

II. CCCCL. 10. Sebastianus exul & profugus effectus, nauigat ad palatium Orientis.

Romanæ ecclesiæ X L I I. habetur episcopus Xystus.

II Hierosolymis Iuuenalem episcopum præsidere, Germani presbyteri Arabicæ regionis exinde ad Gallæciam venientis, & aliorum Græcorum relatione comperimus, adiciētibz Constantinopolim cum aliis, & Palæstinæ prouinciæ & Orientis episcopis euocatum, sub præsentia Theodosij Augusti, contracto episcoporum interfuisse concilio ad destruendam Hebionitarum hæresim, quam Nestorius eiusdem vrbs episcopus prauo stultissimæ sectæ resuscitabat ingenio.

Quo verò tempore sancti Ioannes, Hieronymus, & alij, quos supra diximus, obierint, vel quis Ioanni ante Iuuenalem successerit, sicut & fecisse

cognitum est in breui seniore[m] quendam, referentum sermo non edidit.

12 Narbona obsideri cœpta per Gothos.

Burgundiones, qui rebellauerant, à Romanis duce Aëtio debellantur.

Vno, eodémque tempore Alexandria Cyrillum episcopum præsidere, & Constantinopoli Nestorium hæreticum Hebionem, Cyrilli ipsius ad eundem epistola, & hæresim destruentis, & regulam fidei exponentis ostendit. Hæc cum aliis habentur allata.

OLYMP.
CCCIV.

13 Narbona obsidione liberatur Aëtio Duce, & Magistro militū. Burgundionum cæsa viginti millia.

Rursus Censorius, & Fretimundus legati mittuntur ad Sueuos.

14 Gothorum cæsa octo millia sub Aëtio duce.

Sueui cum parte plebis Gallæciæ, cui aduersabantur, pacis iura confirmant.

Hermericus rex morbo oppressus Rechilam filium suum substituit in regnum: qui Andeuotum cum sua, quam habebat, manu ad Singilionem Bæticiæ fluuium apertò Marte prostrauit, ma-

B iiij

gnis eius auri & argenti opibus occupatis.

15 Carthagine fraude decepta decimo quarto Kal. Nouemb. omnem Africam rex Gaifericus inuadit.

Bello Gothico sub Theodore rege apud Tolosam, Litorius Romanus dux, inconsultius cum auxiliari manu irruens, cæsis his, ipse vulneratus capitur, & post dies paucos occiditur.

Inter Romanos & Gothos pax efficitur.

Gaifericus elatus impiè Episcopum, clerumque Carthaginis depellit ex ea, & iuxta prophetiam Danielis, demutatis ministeriis sanctorum, ecclesias catholicas tradit Arrianis.

Rechila rex Sueuorum Emeritam ingreditur.

16 Gaifericus Siciliam deprædatus Panormum diu obsedit: qui damnati à catholicis episcopis Maximini, apud Siciliam Arrianorum ducis, aduersum catholicos præcipitatur instinctu, ut eos quoquo pacto in impietatem cogeret Arrianam. Nonnullis declinatibus, aliquanti durantes in catholica fide consummauere martyrium.

Censorius Comes, qui legatus missus fuerat ad Sueuos, residens Mirtyli, obsessus à Rechila in pace se tradidit. OLYMP.

17 Rex Sueuorum diuturno per annos cccv. septem morbo afflictus moritur Hermericus.

Rex Rechila Hispali obtenta, Bætiam, & Carthaginiensem prouincias in suam redigit potestatem.

[Romanæ ecclesię XLIII. præsidet episcopus Leo.]

Sabino episcopo de Hispali factione depulso, in locum eius Epiphanius ordinatur fraude, non iure.

Asturius Dux vtriusque militiæ ad Hispanias missus Tarracœnensium cædit multitudinem Bacaudarum.

18 Cometæ sidus apparere incipit mense Decembri: quod per menses aliquot visum, subsequens in pestilentia plagæ, quæ fere in toto orbe diffusa est, præmisit ostentum.

Constantinopolitanæ ecclesiæ depulso Nestorio præsidet episcopus Flavianus.

19 Asturio Magistro vtriusque militiæ gener ipsius successor ipsi mittitur Merobaudis, natu nobilis, & eloquentiæ

B iiij

merito , vel maximè in poëmatis studio veteribus comparandus , testimonio etiam prouehitur statuarū. Breui tempore potestatis suæ Aracellitanorum frangit insolentiam Bacaudarum. Mox nonnullorum inuidia perurgente , ad urbem Romam sacra præceptione reuocatur.

II. CCCCLX. 20 Sebastianus illic , quò confugerat, deprehensus sibi aduersa moliri , è Constantinopoli fugit admonitus , & ad Theodorem regem Gothorum veniens , conquæsitam sibi , qua potuit , Barcinonam hostis ingreditur.

OLYMP.
CCCVI.

21 In Asturicensi vrbe Gallæciæ , quidam ante aliquot annos latentes Manichæi gestis episcopalibus deteguntur , quæ ab Idatio, & Turibio episcopis , qui eos audierant , ad Antoninum Emeritensem episcopum directæ sunt.

Vvandali nauibus Turonio in litore Gallæciæ repente aducti , familias capiunt plurimorum.

Sebastianus de Barcinona fugatus migrat ad Vandalos.

Per episcopum Romæ tunc præsidentem gesta de Manichæis per prouincias diriguntur.

22 Vitus Magister vtriusque militiæ factus ad Hispanias missus, non exiguæ manus fultus auxilio, cùm Carthaginienses vexaret, & Bæticos, succedentibus cum rege suo illic Sueuis, superatis etiam in congressione, qui ei ad deprædandum in adiutorium venerant, Gothis, territus miserabili timore diffugit. Sueui exin illas prouincias magna deprædatione subuertunt.

23 Romanæ ecclesiæ XLIII. præsidet episcopus Leo. huius scripta per episcopi Turibij diaconem Peruincum contra Priscilianistas ad Hispanienses episcopos deferuntur. Inter quæ ad episcopum Turibium de obseruatione catholicæ fidei, & de hæresum blasphemii, disputatio plena dirigitur, quæ ab aliquibus Gallæcis subdolo probatur arbitrio.

Solis facta defectio die nono Kal. Ianuarias, qui fuit tertiâ feria.

24 Rechila rex Sueuorum Emeritæ gentilis moritur mense Augusto: cui mox filius suus catholicus Rechiarius succedit in regnum, nonnullis quidem sibi de gente sua æmulis, sed latenter. obtento tamen regno, sine mora ulte-

riores regiones inuadit ad prædam.

Pascentium quendam yrbis Romæ, qui de Asturica diffugerat, Manichæū Antoninus episcopus Emeritæ cōprehendit, auditūque etiam de prouincia Lusitaniā facit expelli.

Per Aiulfum Hispali Censorius iugulatur.

OLYMP.
CCCVII.

25 Rechiarius accepta in coniugium Theodori regis filia, auspicatus initium regni Vasconias deprædatur mense Februario.

Basilus ob testimonium egregij ausus sui congregatis Bacaudis in ecclesia Tyriassone fœderatos occidit. vbi & Leo eiusdem ecclesiæ episcopus, ab eisdem qui cum Basilio aderant, in eo loco obiit vulneratus.

Rechiarius mense Iulio ad Theodorem socerum profectus, Cæsaraugustanam regionem cum Basilio in reditu deprædatur. Irrupta per dolum Ilerdensi vrbe acta est non parua captiuitas.

26 Asturius vir illustris ad honorem prouehitur consulatus.

Sebastianus exul factus ad perniciosam sibi, sicut post exitus docuit, Gaisericici confugit potestatem : paruo post

tempore quàm venerat per eum iubetur occidi.

De Galliis epistolæ deferuntur Flavianiani episcopi ad Leonem episcopum missæ, cum scriptis Cyrilli episcopi Alexandrini ad Nestorium Constantinopolitanum de Eutychete Hebionita hæretico, & Leonis episcopi ad eundem responsa: quæ cum aliorum episcoporum & gestis, & scriptis, per ecclesias diriguntur.

27 Theodosius Imperator moritur Constantinopoli anno ætatis suæ quadragesimo octavo.

Post quem XLIII. statim apud Constantinopolim Marcianus à milicibus, & ab exercitu, instante etiam sorore Theodosij Pulcheria regina, efficitur Imperator. Qua sibi in coniugium assumpta, regnat in partibus Orientis.

28 Valentiniæ Imperatoris mater Placidia moritur apud Romam.

In Gallæcia terræmotus assidui, signa in cælo plurima ostéduntur. Nam pridie nonas Aprilis tertia feria, post Solis occasum, ab Aquilonis plaga cælum rubens sicut ignis, aut sanguis, efficitur, intermixtis per igneum ruborem

OLYMP.
CCCVIII.

lineis clarioribus in speciem hastarum rutilantium deformatis. à die clauso vsque in horam noctis ferè tertiam signi durat ostensio, quæ mox ingenti exitu perdocetur.

Gens Hunnorum pace rupta depredatur prouincias Galliarum. plurimæ ciuitates effractæ: in campis Catalaunicis, haud longè de ciuitate, quam effregerat, Mettis, Aëtio duci, & regi Theodori, quibus erat in pace societas, aperto Marte confligens, diuino cæsa superatur auxilio: bellum nox intempesta diremit. Rex illic Theodores prostratus occubuit: c c c. fermè millia hominum in eo certamine cecidisse memorantur.

Multa anno signa procedunt. Quinto Kalen. Octobris à parte Orientis Luna fuscatur. In diebus sequentis paschæ visa quædam in cælo regionibus Galliarum, epistola de his Eufronij Augustodunensis episcopi ad Agrippinum Comitem facta euidenter ostendit. Stella cometes à decimo quarto Kal. Iulias apparere incipit, quæ i i i. Kal. diluculo ab Oriente visa, post occasum Solis ab occidua parte mox cernitur. Ka-

lendis Augusti à parte Occidentis apparet.

Occiso Theodore Thorismo filius eius succedit in regno.

Hunni cum rege suo Attila relictis Galliis post certamen Italiam petunt.

29 Secundo regni anno principis Marciani Hunni, qui Italiam prædabantur, aliquantis etiam ciuitatibus irruptis, diuinitus partim fame, partim morbo quodam plagis cælestibus feriuntur: missis etiam per Marcianum principem Aëtio duce cæduntur auxiliis; pariterque in sedibus suis, & cælestibus plagis, & per Marciani subiguntur exercitum. & ita subacti, pace facta cum Romanis, proprias vniuersi repetunt sedes, ad quas rex eorum Attila mox reuersus interiiit.

Ad Sueuos Mansuetus Comes Hispaniarum, & Fronto similiter Comes, legati pro pace mittuntur, & obtinent condiciones iniunctas.

Thorismo rex Gothorum spirans hostilia à Theudorico & Frederico fratribus iugulatur: cui Theudoricus succedit in regno.

30 Tercio regni anno principis Marcia- MCCCLXX.

ni regina moritur Pulcheria mēse Iulio.

Per Fredericum Theudorici regis fratrem Bacaudæ Tarraconenses cæduntur ex auctoritate Romana.

In Gallæcia terræmotus, & in Sole signum in ortu, quasi altero secum concertante monstratur.

Aëtius Dux, & Patricius fraudulenter singularis accitus intra palatium manu ipsius Valentiniani Imperatoris occiditur. Et cum ipso per spatarium eius aliqui singulariter intromissi iugulantur honorati.

His gestis legatos Valentinianus mittit ad gentes, ex quibus ad Sueuos venit Iustinianus.

31 Quarto regni anno principis Marciani, per duos barbaros Aëtij familiares Valentinianus Romæ Imperator occiditur in campo, exercitu circumstante, anno ætatis suæ xxxvi. & regni xxxi. Post quem mox Maximus ex consulibus xlii. Romæ Augustus appellatur. qui cum Imperator factus relictam Valentiniani sibi duxisset uxorem, & filio suo ex priore coniuge Palladio, quem Cæsarem fecerat, Valentiniani filiam in coniugium tradi-

difflet, magnorum motuum, quos verebatur, perturbatione distortus, & quia in occisorum per Valentinianum, & in ipsius interitum Valentiniani, ambitu regni consilia scelestâ patratâ contulerat, cùm imperium deferere vellet, & Romam, vix quatuor regni sui mensibus expletis, in ipsa vrbe tumultu populi, & seditione occiditur militari.

Ipsò anno in Galliis Auitus Gallus ciuis ab exercitu Gallicano, & ab honoratis, primùm Tolosæ, dehinc apud Atrelatum Augustus appellatus, Romam pèrgit, & suscipitur.

Vsq̃ue ad Valentinianum Theodosij generatio tenuit principatum.

I ROMANORVM XLIII. Marcianus quarto iam regni sui anno obtinet monarchiam.

Pet Auitum, qui à Romanis, & elatus & susceptus fuerat Imperator, legati ad Marcianum pro vnanimitate mittuntur imperij.

Gaifericus sollicitatus à relictâ Valentiniani, vt malum fama dispergit, priusquàm Auitus Augustus fieret, Romam ingreditur, direptisq; opibus Romanorum Carthaginem redit, relictam

Valentiniani, & filias duas, & Aëtij filium Gaudentium nomine, secum ducens.

Sueui Carthagenenses regiones, quas Romanis reddiderant, deprædantur.

Marcianus, & Auitus cōcordes principatu Romani vtuntur imperij.

OLYMP.
CCCIX.
v. annus
Martiani.

Per Augustum Auitum Fronto Comes legatus mittitur ad Sueuos. Similiter & à rege Gothorum Theudorico; quia fidus Romano esset imperio, legati ad eosdem mittuntur, vt tam secum, quàm cum Romano imperio, quia vno essent pacis fœdere copulati, iurati fœderis promissa seruarent. Remissis legatis vtriûsque partis, atque omni iuris ratione violata, Sueui Tarraconensem prouinciam, quæ Romano imperio deseruiebat, inuadunt.

De Erulorum gente septem nauibus in Lucensi litore aliquanti aduecti, viri fermè c c c c. expediri, superuentu multitudinis congregatæ duobus tantum ex suo numero effugantur occisis. qui ad sedes proprias redeunt, Cantabriorum, & Varduliarum loca maritima crudelissimè deprædati sunt.

Legati Gothorum rursus veniunt ad Sue-

Sueuos. post quorum aduentum rex Sueuorum Rechiarius cum magna suorum multitudine regiones prouinciæ Tarraconensis inuadit, acta illic depredatione, & grandi ad Gallæciam captiuitate deducta.

Mox Hispanias rex Gothorum Theudoricus cum ingenti exercitu suo, & cum volûate, & ordinatione Auiti Imperatoris ingreditur. Cui cum multitudine Sueuorum res Rechiarius occurrens duodecimo de Asturicensi vrbe milliario, ad fluuium nomine Vrbicum, tertio nonas Octobris. die sexta feria inito mox certamine superatur. cæsis suorum agminibus, aliquantis captis, plurimisque fugatis, ipse ad extremas sedes Gallæciæ plagatus vix euadit, ac profugus.

Theudorico rege cum exercitu ad Bracaram extremam ciuitatem Gallæciæ pertendente, quinto Kal. Nouemb. die Dominico, & si incruenta, fit tamen satis mœsta, & lacrymabilis eiusdem direptio ciuitatis. Romanorum magna agitur captiuitas captiuorum, Sanctorum basilicæ effractæ, altaria sublata atque confRACTA, virgines Dei exin

C

quidem abductæ, sed integritate seruata, clerus vsque ad nuditatem pudoris exutus, promiscui sexus cum paruulis, de locis refugij sanctis, populus omnis abstractus, iumentorum, pecorum, camelorumque horrore locus facer impletus, scripta super Hierusalẽ ex parte cælestis iræ reuocauit exempla.

2 Recharius ad locum, qui Portucale appellatur, profugus regi Theudorico captiuus adducitur. quo in custodiam redacto, cæteris, qui de priore certamine superfuerant, tradentibus se Sueuis, aliquantis nihilominus interfectis, regnum destructum, & finitum est Sueuorum.

Hisdem diebus Rechimeris Comitiss circumuentione magna multitudo Vvandalorum, quæ se de Carthagine cum lx. nauibus ad Gallias, vel ad Italiam mouerat, regi Theudorico nunciatur occisa per Auitum.

Hesychius Tribunus legatº ad Theodoricum cum sacris muneribus missus ad Gallaciã venit, nuncians ei id quod supra, in Corsica cæsam multitudinem Vvandalorum, & Auitum de Italia ad Gallias Arelate successisse. Orientaliũ

naues Hispalim venientes per Marciani exercitum cæsas nunciat.

Occiso Rechiario mense Decembri; rex Theudoricus de Gallæcia ad Lusitaniam succedit.

In conuentus parte Bracarenfis latrocinantium deprædatio perpetratur.

Aiulfus deserens Gothos in Gallæcia residet.

Sueui, qui remanserant in extrema parte Gallæciæ, Massiliæ filium nomine Maldram sibi regem constituunt.

Theudoricus Emeritam deprædari volens beatæ Eulaliæ martyris terretur ostentis.

3 Auitus tertio anno posteaquam à Gallis, & à Gotthis factus fuerat Imperator caret imperio, Gothorum promisso destitutus auxilio, caret & vita.

In Orientis partibus septimo anno imperij sui moritur Marcianus.

ROMANORVM XLIV. Maiorianus in Italia, & Constantinopoli Leo Augusti appellantur.

1 Theudoricus aduersis sibi nunciis territus, mox post dies Paschæ, quod fuit quinto Kal. Aprilis, de Emerita

C ij

egreditur, & Gallias repetens, partem ex ea quam habebat multitudine variae nationis, cum ducibus suis ad campos Gallæciæ dirigit. qui dolis, & periuriis instructi, sicut eis fuerat imperatum, Asturicam, quam iam prædones ipsius sub specie Romanæ ordinationis intraverant, mentientes ad Sueuos, qui remanserant, iussam sibi expeditionem, ingrediuntur pace fucata solita arte perfidiæ: Nec mora promiscui generis reperta illic cæditur multitudo, sanctæ effringuntur ecclesiæ, altarib. direptis, & demolitis, sacer omnis ornatus, & usus aufertur. Duo illic episcopi inuenti cum omni clero abducuntur in captiuitatē: inualidior promiscui sexus agitur miseranda captiuitas, residuis, & vacuis ciuitatis domibus datis incendio, camporum loca vastantur. Palentina ciuitas simili, quo Asturica, per Gothos perit exitio. Vnum Couiacense castrum tricesimo de Asturica milliario à Gothis diutino certamine fatigatum, auxilio Dei, hostibus, & obsistit, & præualet: quàm plurimis ex eorum manu interfectis, reliqui reuertuntur ad Gallias.

Aiulfus dum regnum Sueuorum spi-

rat, Portucale moritur mense Iunio.

Sueui in partes diuisi pacem ambiunt Gallęciarum: è quibus pars Frantanem, pars Maldram regem appellat. Solito more perfidię Lusitaniam deprędatur pars Sueuorum Maldram sequens. acta illic Romanorum cęde, prędisque contractis, ciuitas Vlyxippona sub specie pacis intratur.

Frantanes moritur per Pascha, & Pentecostem. Iubente Maldra Sueui in solitam perfidiam versi, regionem Gallęcię adhęrentem flumini Durio deprędantur. Quinto idus Iunias, die quarta feria, ab hora quarta in horam sextam, ad speciem Lunę quintę, vel sextę, Sol de lumine orbis sui minoratus apparuit.

2 Gothicus exercitus duce suo Cyrila à Theudorico rege ad Hispanias missus mense Iulio succedit ad Bęticam. Legati Gothorum, & Vandalorum pariter ad Sueuos veniunt, & reuertuntur.

3 Theudoricus cum duce suo Sunierico exercitus sui aliquantam ad Bęticam dirigit manum: Cyrila reuocatur ad Gallias, Sueui nihilominus Lusitanię partes cum Maldra, alij cum Re-

OLYMP.
CCCX.

mismundo Gallæciam deprædantur.

Eruli maritima conuentus Lucensis loca nonnulla crudelissimè inuadunt ad Bæticam pertendentes.

Maldras germanum suum fratrem interficit, & Portucale castrum idem hostis inuadit.

Inter Sueuos, & Gallæcos interfectis aliquantis honestis natu, malum hostile miscetur.

Legati à Nepotiano Magistro militiæ, & à Sunierico Comite missi veniūt ad Gallæcos, nunciantes Maiorianum Augustum, & Theudoricum regem firmissima inter se pacis iura sanxisse, Gothis in quodam certamine superatis.

4 Maldras in fine mensis Februarij iugulatus merito perit interitu.

Per Sueuos Luco habitantes, in diebus Paschæ, Romani aliquanti cum rectore suo honesto natu repētino securi de reuerentia dierū occidūtur incurfu.

Mense Maio Maiorianus Hispanias ingreditur Imperator: quo Carthaginensem prouinciam pertendente, aliquantas naues, quas sibi ad transitum aduersum Vyandalos præparabat, de litore Carthaginesi commoniti Vyan-

dali per proditores abripiunt. Maiorianus ita à sua ordinatione frustratus ad Italiam reuertitur.

Pars Gothici exercitus à Sunierico & Nepotiano Comitibus ad Gallæciam directâ, Sueuos apud Lucum deprædantur, quæ Dictinio, Spinione & Ascanio delatoribus, spargentibûsque ad terrorem propriæ venena perfidiæ, indicata recurrit ad suos. ac mox iisdem delatoribus, quibus supra, Frumarius cum manu Sueuorum, quam habebat impulsus, capto Idatio episcopo septimo Kalen: Augusti in Aquæflauienti ecclesia, eundem conuētum grandi euertit excidio.

Remismundus vicina pariter Auregensium loca, & Lucensis conuentus maritima populatur.

Inter Frumarium, & Remismundum oritur de regni potestate dissensio.

Gallæcorum & Sueuorum pacis quædam vmbra conferitur.

A Theudorico legati ad Sueuos veniunt, & recurrunt.

Suniericus Scalabim, cui aduersabatur, obtinet ciuitatem.

Idatius, qui supra, tribus mensibus captiuitatis impletis, mense Nouembri

C iiij

miserantis Dei gratia, contra votum, & ordinationem supradictorum delatorum, redit ad Flauias.

De rege Theudorico legati gentis perfidæ reuerruntur.

Gaifericus rex à Maioriano Imperatore per legatos postulat pacem.

5. 1 Maiorianum de Galliis Romam redeuntem, & Romano imperio vel nomini res necessarias ordinantem, Rechimer liuore percitus, & inuidorum consilio fultus, fraude interficit circumuentum.

ROMANORVM XLV. Seuerus à Senatu Romæ Augustus appellatur anno imperij Leonis quinto.

6. 2 Suniericus redit ad Gallias. Nepotianus Theudorico ordinante Arbo-
rium accipit successorem.

In prouincia Gallæcia prodigiorum videntur signa diuersa. Aera d. v i. Nonas Martias pullorum cantu, ab occasu Solis Luna in sanguinem plena conuertitur. Idem dies sexta feria fuit.

Antiochia maior * Isauric inobediens monitis salutaribus, terra dehiscente demergitur, tantum ipsius ciuitatis ali-

II. cccc.
LXXX.

quantis, qui cum obaudientes timori Domini sunt secuti, de interitu liberatis, turrium etiam solis cacuminibus extantibus super terram,

Gaifericus Valentiniani relicta Constantinopolim remittit. Filia ipsius una Gentoni Gaiferici filio, alia Olybrio senatori urbis Romæ iure matrimonij copulantur.

OLYMP.

cccxi.

Agrippinus Gallus & Comes, & ciuis, Ægidio Comiti viro insigni inimicus, ut Gothorum mereretur auxilia, Narbonam tradidit Theudorico.

Aduersus Ægidium Comitem vtriusque militiæ, virum, ut fama commendat, Deo bonis operibus complacentem, in Armoricana prouincia Fretiricus frater Theudericus regis insurgens, cum his cum quibus fuerat, superatus occiditur.

Cum Palegorio viro nobili Gallæciæ, qui ad supradictum fuerat regem Cyri-la legatus ad Gallæciam veniens, euntes ad eundem regem legatos obuia Remismundi. qui regressi in celeri, reuertentem Cyrilam in Lucensi vrbe suscipiunt. Post cuius mox egressum de Gallæcia, Sueui promissionum suarum

C v

ut semper fallaces & perfidi, diuersa loca infelicis Gallæciæ solito deprædantur.

Per Theudoricum ad Sueuos Remismundus, & Cyrila cum aliquantis Gothis, qui prius venerant, remittuntur. Cyrila in Gallæcia remanente, Remismundo mox recurrente ad regem; inter Gallæcos, & Sueuos indisciplinata perturbatio dominatur.

Romanæ ecclesiæ XLIV. præsidet episcopus Hilarus.

7. 3 Nepotianus recedit è corpore.

Frumario mortuo, Remismundus omnibus Sueuis in suam ditionem regali iure reuocatis, pacem reformat elapsam.

Mense Maio supradicti viri Aegidij legati per Oceanum ad Vandalos transcunt, qui eodem cursu Septembri mense reuertuntur ad suos.

Decimotertio Kalend. Augusti die secunda feria, in speciem Lunæ quintæ Sol de lumine suo ab hora tertia in horam sextam cernitur minoratus.

Legatos Remismundus mittit, ad Theudoricum; qui similiter suos ad Remismundum remittit, cum armorum

adiectione, vel munerum, directa & coniuge, quam haberet.

Vvandali per Marcellinum in Sicilia cæsi effugantur ex ea.

Aëgidius moritur, alij dicunt infidiis, alij veneno deceptus. Quo desistente, mox Gothi regiones inuadunt, quas Romano nomini tuebatur.

Sueui Conimbricam dolosè ingressi, familiam nobilem Cantabrispoliant, & captiuam abducunt matrem cum filiis.

Legati eodem anno duabus vicibus à rege Sueuorum mittuntur ad regem Theudoricum, ad quem & Arborius proficiscitur euocatus.

8. 4 Reuersi legati Sueuorum obiisse nunciant Seuerum imperij sui anno quarto. qui supra remittuntur ad Conimbricam.

Aiaxnatione Galata, effectus apostata, & senior Arrianus, inter Sueuos regis sui auxilio hostis Catholicæ fidei, & diuinæ Trinitatis emergit. de Gallicana Gothorum habitatione hoc pestiferum inimici hominis virus aduectum.

Sueui aduersum Aunonensem sæuiunt plebem. qua de causa legati à

Theuderico ad Remismundum mittuntur in cassum, spretique ab eo mox redeunt.

De Constantinopoli à Leone Augusto Anthemius frater Procopij cum Marcellino, aliisque comitibus viris electis, & cum ingēti multitudine exercitus copiosi, ad Italiam, Deo ordinante, directus ascendit.

ROMANORVM XLVI. Anthemius octauo milliario de Roma Augustus appellatur, anno Leonis imperij octauo, mense Augusto.

9. I. Expeditio ad Africam aduersus Vandalos ordinata metabolarū commutatione, & nauigationis inopportunitate reuocatur.

Per Theudericum Salla legatus mittitur ad Remismundum regem Sueuorum, qui reuersus ad Gallias eum à fratre suo Eurico reperit interfectum.

Euricus pari scelere quo frater, succedit in regnum: qui honore prouectus, & crimine, legatos ad regem dirigit Sueuorum. quibus sine mora à Remismundo remissis, eiusdem regis legati ad Imperatorem, alij ad Vandalos, alij diriguntur ad Gothos.

De Aunonenſi plebe, cui Sueuorū aduerſabatur hoſtilitas, Opilio cum viris ſecum à rege profectis, & cum aliquantibus, qui cum ipſo miſſi fuerant, reuertitur.

Gothi, qui ad Vandalos miſſi fuerant, ſupradictæ expeditionis rumore perterriti reuertuntur in celeri: pariter & Sueui, qui poſt legatos, more ſolito, per diuerſa loca in in prædam diſperſi fuerant, reuocantur: ſed paucis poſt menſibus ipſe rex Sueuorum ad Luſitaniam tranſit.

2 Conimbrica in pace decepta diripitur: domus deſtruuntur cum aliqua parte murorum, habitatoribūſque capris atque diſperſis, & regio deſolatur, & ciuitas.

Legati de Gothico reuerſi portenta in Galliis viſa aliquanta, in conſpectu
 ſimilem ipſi de continuo paruiſſe Solem alium viſum
 Solis occaſu. Congregatis etiam quodam die concilij ſui Gothiſ tela, quæ habebant in manibus, à parte ferri, vel acie, alia viridi, alia roſco, alia croceo, alia nigro colore natura-

OLYMP.
CCCXII.

lem ferri speciem aliquandiu non habuisse mutata. Medio Tolosæ ciuitatis hisdem diebus è terra sanguinem erupisse, totóque diei fluxisse curriculo.

3 Legatorum Sueuorum reditum aliquanta Gothorum manus insequens Emeritam petit.

Vlixippona à Sueuis occupatur, ciue suo, qui illic præerat, tradente Lusidio. Hac re cognita Gothi, qui venerant, inuadunt, & Sueuos deprædantur, pariter & Romanos ipsis in Lusitaniæ regionibus feruientes.

Legati, qui ad Imperatorẽ missi fuerant, redeunt, nuntiantes sub præsentia sui magnum valde exercitum cum tribus ducibus lectis aduersum Vvandalos à Leone Imperatore descendisse, directo Marcellino pariter cum manu magna eidem per Imperatorem Anthemium sociata. Rechimerum generum Anthemij Imperatoris, & Patricium factum: Asparem degradatum ad priuatam vitam, filium eius occisum, aduersum Romanum imperium, sicut detectique sunt, Vvandalis consulentes.

Hilaro defuncto sex sacerdotij sui annis expletis, x l v. Romanæ ecclesiæ Simplicius episcopus ordinatur.

Aunonenses pacem cum rege faciunt Sueuorum, qui & Lusitanæ, & conuentus Asturicensis quædam loca prædantes iuuadunt.

Gothi circa eundem conuentû pari hostilitate defæuiunt, partes etiam Lusitanæ deprædantur.

Lusidius per Remismundû cum suis hominibus Sueuis ad Imperatorem in legatione dirigitur.

Durissimus extra solitum hoc eodem tempore annus hiberni, veris, æstatis, autumnû in aëris, & omnium fructuum permutatione diffunditur.

Signa etiam aliquanta, & prodigia in locis Gallæciæ peruidentur. In flumine Minio, de municipio Lais milliaro ferme quinto, capiuntur pisces quatuor noui visu, & specie, sicut retulere, qui cœperant Christiani, & religiosi, Hebræis, & Græcis litteris, Latinis autem ærarum numeris insigniri, ita ccclxv. anni circulum continentes, pari mensum interuallo. Haud procul de supra-

48 *Idatij Episc. Chronicon:*

dicto municipio in speciem lenticulæ
viridissimorum vt herba quædam for-
ma granorum plena amaritudine de-
fluxit è cælo. & multa alia ostenta, quæ
memorare prolixum est.

FINIS.



IDATII EPISCOPI
FASTORVM CONSVLARIVM
pars, ab exordio Aureliani Aug.
ad obitum Honorij.

ANTIOCHIANO & Orfito.
His Consulibus lenatus Aurelianus
Imperator.

Aureliano & Basso.

His Conf. muri urbis capti fieri:

Quieto & Voldumiano.

cccc.

Tacito & Placidiano.

Aureliano i i. & Capitolino.

Aureliano i i i. & Marcellino.

His Conf. occisus est Aurelianus Imper.

Canofrurio, & lenatus est Tacitus Romæ:

Tacito i i. & Aemiliano.

Probo & Paulino.

His Conf. occisus est Tacitus Tyana.

Probo i i. & Lupo.

Probo i i i. & Paterno.

Messala & Grato.

Probo i v. & Tiberiano.

Probo v. & Victorino.

D

Caro I I. & Carino.

His Conss. occisus est Probus Sirmio.

Carino I I. & Numeriano.

His Conss. magna fames fuit.

Diocletiano I I. & Aristobulo.

His Cōss. occisus est Carinus Margo, [& leuatus est Diocletianus Imperator,] qui ipso anno cū Aristobulo Consul processerat.

Maximo I I. & Aquilino.

His Conss. leuatus est Maximianus Imperator senior die Kal. April.

Diocletiano I I I. & Maximiano.

Maximiano I I. & Ianuario.

Basso & Quintiano.

Diocletiano I V. & Maximiano I I I.

Tiberiano & Dione.

His Conss. tenebrae fuerunt inter diem.

& eo anno leuati sunt Constantius & Maximianus Caesares die Kal. Mart.

cccxix. Annibaliano & Asclepiodoto.

Diocletiano V. & Maximiano I V.

Constantio & Maximiano.

His Conss. castra facta in Sarmatia contra Acinco & Bononia.

Tusco & Annulino.

His Conss. Carporum gens uniuersa in Romania se tradidit.

Diocletiano V I. & Constantio I I.

Fasti Consulares.

51

Maximiano v. & Maximiano i i.

His Consf. victi Perse.

Fausto i i. & Gallo.

Diocletiano v i i. & Maximiano vi.

His Consf. victi Marcomanni.

Constantio i i i. & Maximiano i i i.

Titiano i i. & Nepotiano.

Constantio i v. & Maximiano i v. cccxl.

His Consulib. vilitatem iusserunt Imperatores esse.

Diocletiano v i i i. & Maximiano v i i.

His Consf. persecutio Christianorum.

Diocletiano i x. & Maximiano v i i i.

His Consf. deposuerunt purpuram privati effecti Diocletianus & Maximianus, & vestierunt Seuerum & Maximinũ. Nam Constantius & Maximianus, qui Cæsares fuerunt, eadem hora Augusti nuncupati sunt die Kal. April.

Constantio v. & Maximiano v.

Constantio v i. & Maximiano v i.

His Consf. diem functus Constantius, & postea leuatus est Constantinus v i i i. Kal. Aug.

Nouies & Constantino.

His Consf. quod est post sextum Consulatũ, occisus Seuerus Romæ.

Item Decies & Maximiano v i i.

D ij

*His Conss. quod est Maxentio & Romulo,
 leuatus Licinius Carnunto III. Id. Non.
 Post Consulatu Decimum & Septimu.
 His Conss. quod est Maxentio II. & Ro-
 mulo II.*

Anno II. post Consulatum Decimum.
 & Septimum.

*His Conss. quod est Maxentio III. solo,
 diem functus Maximianus senior.*

Maximiano VIII. Consule.

*His Conss. quod est Rufino & Volusiano,
 diem functus Maximianus iunior.*

cccl.

Constantino II. & Licinio II.

*His Conss. quod est Maxentio IV. solo,
 victus & occisus Maxentius Roma ad pon-
 tem Muluium.*

Constantino III. & Licinio III.

Volusiano II. & Anniano.

*His Conss. bellum Cibalense fuit die VIII.
 Idus Octobr.*

Constantino IV. & Licinio IV.

Sabino & Rufino.

*His Conss. diem functus Diocletianus Sa-
 lona die III. Non. Decemb.*

Gallicano & Basso.

*His Conss. leuati tres Caesares, Crispus,
 Licinius & Constantinus die Kal. Mart.*

Licinio V. & Crispo Caesare.

Fasti Consulares.

53

His Conss. tenebre fuerūt inter diē hora IX.

Constantino v. & Licinio Cæsare.

Constantino vi. & Cōstantino Cæsare.

Crispo ii. & Constantino ii.

Probiano & Iuliano.

ccclx.

Seuero & Rufino.

Crispo iii. & Constantino iii.

*His Conss. bellum Hadrianopolitanum
die v. Non. Iulias, & bellum Calchedo-
nense xiv. Kal. Octob. & leuatus est Con-
stantius Cæsar vi. Idus Nouemb.*

Paulino & Iuliano.

His Conss. occisus Licinias.

Constantino vii. & Constantio Cæsare.

*His Conss. occisus est Crispus, & edidit
vicennalia Constantinus Augustus Rome.*

Constantino & Maximo.

Ianuario & Iusto.

Constantino viii. & Constantino iv.

Gallicano & Symmacho.

*His Conss. dedicata est Constantinopolis
die v. Idus Maias.*

Basso & Ablabio.

Pacatiano & Hilariano.

ccclxx.

*His Cōss. victi Gothi ab exercitu Romano
in terris Sarmatarum die xii. Kal. Maij.*

Dalmatio & Xenophilo.

His Conss. leuatus est Constans die viii.

D iiij

Kal. Ianuar.

Optato & Paulino.

His Conf. Sarmata serui uniuersa gens dominos suos in Romaniam expulerunt.

Constantio & Albino.

His Conf. tricennalia edidit Cōstantinus Aug. die VIII. Kal. Aug. & leuatus est Dalmatius Cēsar XIV. Kal. Octob.

Nepotiano & Facundo.

Feliciano & Titiano.

His Conf. Constantinus Aug. ad caelestia regna ablatuſ est XI. Kal. Iunias. & ipſo anno nuncupati ſunt tres Auguſti Conſtantineſ, & Conſtantius, & Conſtans v. Idus Septemb.

Vrſo & Polemio.

Constantio II. & Conſtante.

Acyndino & Proculo.

His Conf. occiſuſ eſt Conſtantineſ iunior.

Marcellino & Probino.

His Conf. pugna facta eſt cum gente Francorum à Conſtante Aug. in Galliis. & ipſo anno terramotuſ fuit ad Orientem per totum annum præter Antiochiam.

CCCLXXX.

Constantio III. & Conſtante II.

His Conf. victi Franci à Conſtante Aug. ſeu pacati. tractuſ Hermogenes.

Placido & Romulo.

Leontio & Salustio.

Amantio & Albino.

Constantio I V. & Constante I I I.

Rufino & Eusebio.

Philippo & Salia.

His Conf. bellum Persicum fuit nocturnū.

Limenio & Catullino.

Sergio & Nigriniano.

His Conf. Constans occisus est in Galliis à Magnentio. & leuatus est Magnentius die xv. Kal. Februar. & Vetrano apud Strmum Kal. Mai. eo anno. & Neporinus Romæ III. Non. Iunias. & pugna magna fuit cum Romanis & Magnentianis.

Post Conf. Sergij & Nigriniani.

His Conf. bellum Magnentiū fuit Morsa die iv. Kal. Octob. & eo anno depositus Vetrano viii. Kal. Ianuar. & leuatus est Constantius Cæsar Id. Mart. & apparuit in Oriente signum Saluatoris die III. Kal. Februar. Luna xxviii.

Constantio v. & Constantio Cæf.

cccxv.

Constantio vi. & Constantio ii.

His Conf. Magnentius se interfecit in Galliis apud Lugdunum die III. Idus Aug. & Decentius frater Magnentiū laqueo se suspendit xv. Kal. Septemb.

Constantio vii. & Constantio iii.

D iiij

*His Conss. occisus est Constantius Cæsar
in insula Flanona.*

Arberione & Lolliano.

*His Conss. leuatus est Iulianus Cæsar die
VIII. Idus Nouembres.*

Constantio VIII. & Iuliano Cæsare.

*His Conss. introierunt Constantinopolim
reliquia Apostoli Timothei die Kal. Iun.*

Constantio IX. & Iuliano Cæs. II.

*His Conss. introierunt Constantinopolim
reliquia SS. Apostolorum Andrea & Lu-
ca die V. Non. Mart. & introiuit Con-
stantius Aug. Romæ IV. Kal. Maias, &
edidit xxxv.*

Datiano & Cæreale.

*His Conss. introierunt Constantinopolim
legati Persarum die VII. Kal. Mart. Ipsa
anno terremotus factus, ita ut ciuitas Ni-
comedensium funditus versaretur die IX.
kal. Septemb. alie verò CL. ciuitates par-
tibus vexata sunt.*

Eusebio & Hypatio.

*His Conss. natus est Gratianus filius
Augusti Valentiniani die XIV. kalend.
Maias. & ipso anno primùm processit Cō-
stantinopolim Prefectus urbis, nomine
Honoratus, die III. Idus Decemb.*

Constantio X. & Iuliano III.

*His Consf. dedicatum est Conſtātinopoli
Dominicum die xv. kal. Martias.*

Tauro & Florentio.

*His Consf. diem functus Constantius
Aug. Mopsucrinas in finib. Cilicia Pha-
nicia prouincia III. Non. Nouemb. &
introiuit Iulianus Aug. Conſtātinopolim
die III. Idus Decemb.*

Mamertino & Neuitta.

cccc.

Iuliano Aug. i v. & Saluſtio.

*His Cōſſ. occiſus eſt Iulianus Aug. in bello
Perſico die vi. kal. Iulias. & quia apoſta-
ta à Deo factus eſt Chriſtianorum etiam
perſecutor, occiſus eſt, & leuatus eſt Chri-
ſtianiſſimus Iouianus Aug. v. kal. Iulias.*

Iouiano Aug. & Varroniano.

*His Cōſſ. receſſit Iouianus Aug. Dadaſta-
na die xi. kal. Mart. & leuatus eſt Valēti-
nianus Aug. apud Nicēā die v. kal. Mart.
Ipſo anno leuatus eſt Valens Aug. Conſtā-
tinopoli in miliario vii. in tribunali à fra-
tre ſuo Valentiniano die i v. kal. April.*

Valentiniano & Valente Augg.

*His Cōſſ. mare ultra terminos ſuos egreſſū
eſt die xii. kal. Aug. & ipſo anno latro no-
cturnus hoſtiſq; publicus intra urbē Con-
ſtātinopolim apparuit die i v. kal. Octob.*

Gratiano nob. & Dagalaifo.

D v

His Conss. natus est Valētinianus iunior filius Augusti Valentiniani die xv. Kal. Febr. & ipso anno idem hostis publicus & prado intra Phrygiam salutarē, & in Nacoliensium campis ab Augusto Valēte oppressus atque extinctus est die vi. Kal. Iunias. Ipso anno Augustus Valentinianus gentem Alamannicam peruicit.

Lupicino & Iouino.

His Conss. in ciuitate Constantinopoli, Deus grandinem pluit in modum petrarū die iv. Nonas Iulias. Et ipso anno leuatus est Gratianus Aug. in Galliis apud Ambianos in tribunali à patre suo Augusto Valentiniano die ix. Kal. Sept.

Valentiniano ii. & Valente ii.

His Conss. terremotus factus, ita ut ciuitas Nicenorum terræ funditus prosterneretur die v. Idus Octob.

Valentiniano nob. & Victore.

His Conss. opus magnificum cisternæ Constantinopolitane completum est à Domitio Modesto v. c. iterū Praefecto urbis. quod in prima inchoauerat Praefectura. Agon post an. xvii. restitutus est ab Aug. Valente.

Valentiniano iii. & Valente iii.

His Conss. magna fames fuit in partibus Phrygiæ. & dedicata est sacra Ecclesia, ubi

beati Apostoli positi sunt, v. Idus April.

Gratiano Aug. II. & Probo.

Modesto & Arintheo,

CCCCX.

Valentiniano IV. & Valente I v.

Gratiano III. & Equitio.

Post Confl. Gratiani III. & Equitij.

*His Cōss. thermæ Carosiana dedicata sūt
agente Præfecto v.c. Vindalonio Magno.*

*Et ipso anno diē functus Valētinianus se-
nior xv. Kal. Decēb. in castello Virgitione.*

*& leuatus est Valentinianus iunior Aug.
filius Aug. Valētiniani ab exercitu in tri-
bunali die x. Kal. Decēb. in ciuitate Acinco.*

Valente Aug. v. & Valentin. iun. Aug.

*His Confl. victi & expulsi sunt Gothi à
gente Hunorum, & suscepti sunt in Roma-
nia pro misericordia inſione Aug. Valētis.*

*Et ipso anno introiuit corpus Augusti Va-
lentiniani Constantinopolim, v. Kal. Ian.*

Gratiano I v. & Merobaude.

*His Cōss. gēs Gothorū, qui pro misericordia
suscepti sūt, rebellauerunt aduersus Roma-
nos. ad quos expugnādos sunt missi Comi-
tes cū militibus, & pugnauerunt cū Gothis.*

Valente VI. & Valentiniano II.

CCCCXVI.

*His Confl. ingressus est Valens Aug. ab
Oriente Constātinopolim die III. Kal. Iun.
Et ipso anno profectus est Valens Aug. ex*

urbe ad fossatum die III. Idus Iunias. & pugna magna fuit cum Romanis & Gothis miliario XII, ab Hadrianopoli, die V. Id. Aug. Ex ea die Valens Aug. nusquā apparuit. & toto anno per diœcesim Thraciarū, & Scythia, & Mœsia, Gothi habitauerunt simul, & eas prædauerunt. deinde vsq. ad portas urbis Constantinopolitana venerūt.

Aufonio & Olybrio.

His Conss. lenatus est Theodosius Aug. ab Augusto Gratiano die XIV. Kal. Februar. in ciuitate Sirmio. Ipso anno multa bella Romani cum Gothis commiserunt. Deinde victoria nuntiata sunt aduersus Gothos, Alanos, atque Hunos die XV. Kal. Decemb.

Gratiano Aug. v. & Theodosio Aug.

His Conss. victoria nuntiata sunt amborum Augustorum. Et ipso anno ingressus est Theodosius Aug, Constantinopolim die XVIII. Kal. Decemb.

Syagrio & Eucherio.

His Conss. ingressus est Athanaricus rex Gothorum Constantinopolim die III. Idus Ianuar. Eodem mense diem functus idem Athanaricus VIII. Kal. Februar.

ccccxx.

Antonio & Syagrio.

His Cōss. Theodosius Aug. corpus Augusti Valentiniani in sarcophago deposuit die IX.

Kal. Mart. Ipso anno vniuersa gens Gothorum cum rege suo in Romaniam se tradiderunt die v. Non. Octob.

Merobaude II. & Saturnino.

His Cōsulibus leuatus est Arcadius Aug. Constantinopoli in miliario v II. in tribunali à Theodosio Aug. patre suo die xv II. Kal. Febr. Et ipso anno ingressum est Constantinopolim corpus Constantiæ filię Augusti constantini die II. Idus Septemb.

Ricomere & Clearcho.

His consf. introierunt Constantinopolim legati Persarū. Ipso anno natus est Honorius nob. in purpuris die v. Id. Sept.

Arcadio Aug. & Bautone.

Honorio nob. & Euodio.

His consf. victi atq. expugnati, & in Romania captiui adducti gens Greothingorū à nostris. Theodosio & Arcadio. deinde cum victoria & triumpho ingressi sunt Cōstantinopolim die I v. Idus Octob.

Valentiniano III. & Eutropio.

His Consf. Quinquēnalια Arcadius Aug. propria cū Theodosio Aug. patre suo editionibus ludisque celebravit xvII. Kal. Feb.

Theodosio Aug. II. & Cynegio.

Defunctus est Cynegius Præfectus Orientis in Consulatu suo Cōstātinopoli.

*Hic vniversas provincias lōgi tēporis tabe
deceptas in statū pristinū renocauit. & vsq.
ad Aegyptū penetravit, & simulacra gentiū
euerit. Vnde cū magno fletu totius populi
ciuitatis deductū est corpus eius ad Aposto-
los die XIV. Kal. April. Et post annū trans-
tulit eum matrona eius Achantia ad Hi-
spanias pedestre. Et ipso anno occiditur ho-
stis publicus Maximus tyrānus à Theodo-
sio Aug. in miliario III. de Aquileia v. Kal.
Aug. Sed & filius eius Viētor occiditur post
paucos dies in Galliis à Comite Theodosij.
Timasio & Promoto.*

*His Confss. introiuit Theodosius Aug. in
urbē Romā cum Honorio filio suo die Idū
Iuniarum, & dedit congiarium Romanis.*

Valentiniano I v. & Neuterio.

Tatiano & Symmacho.

ccccxxx. Arcadio Aug. I I. & Rufino.

*Valentinianus iunior apud Viennā est in-
terfectus. & leuauit se Eugenius tyrānus.
postmodū Theodosius Aug. occidit Eugenū.*

Theodosio Aug. I I I. & Abundantio.

Arcadio Aug. I I I. & Honorio Aug. II.

Olybrio & Probino.

*His Consulibus recessit apud Mediola-
num Theodosius Aug.*

Arcadio Aug. IV. & Honorio Aug. III.

Attico & Cæfario.

Honorio Aug. i v. & Eutychiano.

His Conss. Gildo occisus.

Manilio & Theodoro.

*His Conss. templa gentilium demolita
sunt, Ioviano & Gaudenzio Comitibus.*

Stilicone v. c. Consule.

Vincentio & Frauito.

Arcadio v. & Honorio v.

ccccxl.

His Cõss. Solis facta defectio III. Id. Nou.

Theodosio & Rumorido.

Honorio i v. & Aristæneto.

His Cõss. bellũ civile fuit ex III. Kal. Sept.

Stilicone i i. & Anthemio.

*His Conss. inter Catholicos & Donati-
stas unitas facta.*

Arcadio v i. & Probo.

Honorio v i i. & Theodosio Aug. i i.

Basso & Philippo.

Honorio v i i i. & Theodosio i i i.

ccccxlvii.

His Conss. barbari Hispanias ingressi.

Honorio i x. & Varari, quod fuit Ter-
tullo.

Theodosio Aug. i v.

*His Conss. Constantini tyranni in conto
caput adlatum est xiv. Kal. Octob.*

Honorio i x. & Theodosio v.

ccccl.

P. C. Honor. i x. & Theod. V. Lucio Cos.

His Conss. occisi sunt Iovinus, Sebastianus, Salustius. & Heraclianus abolitus est.
Constantio v. c.

Honorio x. & Theodosio vi.

His Conss. S. Stephanus primus martyr reuelatur S. Presbytero Luciano die vi. feria, quæ fuit tunc III. Non. Decēb. in Hierosolymis S. Ioanne Episcopo presidente. & extāt ex his gestis epistola supradicti presbyteri, & S. Auiti presbyteri Bracarensis; qui tunc in Hierosolymis degebant.

Theodosio vii. & Palladio.

Honorio xi. & Constantio ii.

Honorio xii. & Theodosio viii.

Monaxio & Plenta.

His Conss. S. Ioannes Hierosolymorum Episcopus qui supra, epistolā dirigit per Ecclesias orbis terrarū, quæ habetur, de signis terroribusque diuinitus perpetratis.

Theodosio ix. & Constantio iii.

Agricola & Eustatio.

Honorio xiii. & Theodosio x.

Mariniano & Asclepiodoto.

His Conss. Honorius Aug. recessit Rauēna.

MARCELLINI
V. G. COMITIS
ILLYRICIANI
CHRONICON

Multò quàm antea emendatius & auctius.

Opera IAC. SIRMONDI Societatis
IESV Presbyteri.



LVTETIÆ PARISIORVM.
EX OFFICINA NIVELLIANA.
Apud SEBASTIANVM CRAMOISY, via
Iacobæa, sub Ciconiis.

M. DC. XIX.

Cum Privilegio Regis Christianissimi.



LECTORI.



E Chronici huius auctore necessario monendus es, Lector, non omnia Marcellini esse, quae in illo continentur. Testatur enim praefatione sua Marcellinus se opus suum ab initio principis Theodosij, ad Magni usque Consulatam, per annos CXL. perduxisse: tum deinde alios tantum XVI. annos adiecisse, à primo Iustini ad quartum usque Iustiniani Aug. Consulatam, hoc est ad annum Christi DXXXIV. Ultra hunc annum igitur non processerat Marcellinus: nec plura sanè his fuerant in editione Ant. Sconhouij, qui Chronicon hoc in lucem primus dedit. Quae deinceps sequuntur ad finem usque principis Iustiniani, ab alio postea quopiam adiecta sunt, & à Panuinio primum, deinde ab aliis nullo discrimine pro Marcellinianis edita. Nos ex vetustissimo Tilianae bibliothecae Codice, tum Marcellini omnia multò quàm hactenus emendatiora, tum Appendicem, quae & ipsa perantiqui est scriptoris, multis partibus auctiorem damus: integravi

à ij

datari, nisi nos lacerum exemplar in septimo post Basilij Consulatum anno destituisset. Quo factum, ut in reliquis ad finem usque Panvinianam editionem sequi necesse fuerit, demptis annorum ad calcem epilogismis, quos idcirco pratermittendos censuimus, quia nihil illos neque ad Marcellini Chronicon, neq. ad eius Appendicem pertinere constabat.

*Cassiodorus Institutionis diuinarum
Scripturarum cap. XVII.*

MARCELLINVS etiam quatuor libros de temporum qualitatibus, & positionibus locorum pulcherrima proprietate conficiens, itineris sui tramitem laudabiliter percurrit: quem vobis pariter dereliqui. Chronica verò, quæ sunt imagines historiarum, breuissimæq. temporum commemorationes, scripsit Græcè Eusebius, quem transtulit Hieronymus in Latinum, & usque ad tempora sua deduxit eximiè. Hunc subsecutus est superscriptus Marcellinus Illyricianus, qui adhuc patricij Iustiniani fertur egisse cancellos: sed meliore dictione deuotus. à tempore Theodosij principis, usque ad fores imperij triumphalis Augusti Iustiniani opus suum, Domino iuante, perduxit: ut qui antè fuit in obsequio suscepto gratus, postea ipsius imperio copiosè amantissimus appareret.

MARCEL.



MARCELLINI COMITIS V.C. CHRONICON.

P R A E F A T I O.

P O S T mirandum opus,
quod à mundi fabricavsq;
in Constantinum princi-
pem Eusebius Cæsarien-
sis, huius sæculi originem,
tempora, annos, regna, virtutésque
mortalium, & variarum artium réper-
tores, omniúmque penè prouinciarum
monumenta commemorans, Græco e-
didit stylo, noster Hieronymus cuncta
transtulit in Latinum, & vsque in Va-

A

lentem Cæsarem Romano adiecit elo-
quio. Igitur vterque huius operis au-
ctor $\overline{\text{v}}$. & DLXXIX. annorum hunc
mundum tunc fore miro computauit
ingenio. Ego verò simplici duntaxat
computatione Orientale tantum secu-
tus imperium, per indictiones, perque
Consules infra scriptos, centum & XL.
annos, à septima videlicet indictione, &
à Consulatu Ausonij & Olybrij (quibus
etiam Consulibus Theodosius Magnus
creatus est Imperator) enumerans, &
vsque in Consulatum Magni indictio-
nis vndecimæ colligens, eorumdem au-
ctorum operi subrogavi: itémque alios
XVI. annos, à consulatu Iustini Augu-
sti primo, vsque in consulatū Iustiniani
Augusti IV. suffeci: id sunt simul anni
CLVI. & meum rusticum opus supposni.

INDICTIONE VII.

Ausonio & Olybrio Coss.

THEODOSIUS Hispanus Italicæ
diui Traiani ciuitatis, à Gratiano
Augusto apud Sirmium XXXIX. post
Valentis interitum imperator creatus

est, x i v. Kalendas Februarias, Orientalem duntaxat Remp. rectorus, vir admodum religiosus, & catholicæ ecclesiæ propagator, omnibusque Orientalibus principibus præponendus, nisi quod Marcianum tertium post se principem imitatore habuerit. Alanos, Hunos, Gothos, gentes Scythicas magnis multisque præliis vicit.

IND. VIII. *Gratiano Aug. v. & Theodosio Aug. Coss.*

Gregorius Nazianzenus facundissimus Christi sacerdos, & Hieronymi nostri præceptor, ecclesia nostra apud Byzantium capta ab Arrianis, plebem catholicam in beatæ Anastasiæ oratorio catholica quotidie allocutione continuit. Sæpe namq. prauorum conuitiis infectus est: sed gratia Christi præditus, usque ad id tempus, quo eadem ecclesia sui præsentia nostris est reddita, perfidis obstetit Arrianis. Nam his Coss. Theodosius Magnus postquam de Scythicis gentibus triumphauit, expulsis continuò ab Orthodoxorum ecclesia Arrianis, qui eam per x l. ferme annos sub Arrianis Imperatoribus tenuerant, nostris Catholicis Orthodoxus restituit

A ij

Imperator mense Decembri.

IND. IX. *Eucherio & Euagrio Coss.*

Sanctis c. l. patribus vrbe Augusta congregatis aduersus Macedonium in spiritum sanctum naufragatem, ab iisdem episcopis sancta Synodus confirmata est: Damaso videlicet sedem beati Petri tenente, Constantinopoli verò per Timotheum Alexandrinum, perque Meletium Antiochenum & Cyrillum Hierosolymitanum episcopos, Nectario expagano protinus baptizato, & in præfata Synodo pontifice ordinato. Athanaricus rex Gothorum, cum quo Theodosius Imp. fœdus pepigerat, Constantinopolim mense Ianuario venit, eodemque mense morbo periit.

IND. X. *Antonio & Syagrio Coss.*

Diui Valentiniani magni cadauer Theodosius princeps ab Italia reportatum, apud Comitatum regio in sepulchro recondidit. Eodem anno vniuersa gens Gothorum, Athanarico rege suo defuncto, Romano sese imperio dedit. Mense Octobri Damasus Romanæ ecclesiæ, exceptis Liberio & Felice, xxxv. episcopus, anno pontificatus sui xviii. in Domino requieuit.

IND. XI. *Merobaude II. & Saturnino Coss.*

Romanæ ecclesiæ Siricius xxxvi. antistes factus, vixit annos xv. Archadius à patre suo Theodosio Aug. confors imperij septimo ab vrbe milliario coronatus est. Gratianus imp. Maximi tyranni dolo apud Lugdunum occisus est viii. Cal. Septembris.

IND. XII. *Richomere & Clearncho Coss.*

Legati Persarum Constantinopolim aduenerunt pacem à Theodosio principe postulantes. Eodem tempore Honorius alter Theodosio natus est filius mense Septembri.

IND. XIII. *Archadio & Bautone Coss.*

Theodosius Imp. aliquantas eoas nationes per legatos suo vt pote imperio subdidit,

IND. XIV. *Honorio Cæsare & Euodio Coss.*

Inuasam princeps Theodosius ab hostibus Thraciam vindicauit, victorque cū Archadio filio suo urbem ingressus est. Galla Theodosij regis altera vxor his cōsulibus Constantinopolim venit.

IND. XV. *Valentiniano III. & Eutropio Coss.*

Archadius Cæsar cū patre suo Theodosio sua quinquennalia celebravit. Theodosius Magnus Italiam contra

A iij

Maximum tyrannum pugnaturus accessit.

IND. I. *Theodosio Aug. II. & Cynegio Coss.*

Valentinianus Gratiani frater & Theodosius Imp. Maximum tyrannum & Victorem filium eius apud Aquileiam rebellatē vicerunt. Andragathius Comes morte Maximi cognita precipitem sese è naui in vndas dedit ac suffocatus est.

IND. II. *Timasio & Promoto Coss.*

Theodosius Imp. cum Honorio filio suo Romā mense Iunio introiuit, congiarium Romano populo tribuit, urbēque egressus est Cal. Septembris. Per idem tempus grando crepitans per biduum continuum pro pluuia cecidit, pecorum arborūque perniciēs. Stella à Septentrione gallicinio surgens, & in modum Luciferi ardens potius quàm splendens apparuit, vicesimo sexto die esse desinit. Templum Serapidis apud Alexandriam Theodosij imp. edicto solutum est.

IND. III. *Valentiniano Aug. IV. & Neoterio Coss.*

Signum in cælo quasi columna pendens ardensque per dies xxx. apparuit.

Galla Theodosij vxor ab Archadio priuigno suo eiecta est. Obeliscus in circo positus est. columna haud longè ab ecclesia constituta est, quæ argenteam Theodosij Magni statuam ferens hætenus contemplatur.

IND. IV. *Tatiano & Symmacho Coss.*

Theodosius Imp. Italia decedens Cōstantinopolim remeauit. Valentinianus Imp. apud Viennam dolo Arbogastis strangulatus interiit Idib. Martiis. Eugenius Arbogastis fauore confisus imperium sibi met vsurpauit.

IND. V. *Archadio II. & Rufino Coss.*

Arbogastes Valentiniano Imp. extincto, & Eugenio Cæsare factō, innumeras inuictasque copias vndique in Gallias contraxit, Occidentale imperium utpote sibi vindicaturus, vir barbarus, animo, consilio, manu, audacia, potentiaque nimius. Contraxit autem vndique innumeras copias, vel Romanorum præsidiis, vel Barbarorum auxiliis, alibi potestate, alibi cognatione subnixus. Vsq̃ hunc xiiii. Theodosij imperij annum, beatus Hieronymus post ascensionem D. N. Iesu Christi, à Petro Apostolo incipiēs, & in semetipsum

A iiij

desinens, c x x x v. virorum illustrium ecclesiastica volumina descripsit, apud Bethleem oppidum degens, vbi & monasterium sibi condidit, & alia multa ecclesiastica literis quoque Hebraicis odoctus scripsit, finemque vitæ suæ admodum senex fecit, ibique sepultus est, Catholicis quidem inexpugnabilis ecclesiæ turris, hæreticis autem omnibus infatigabilis hostis, tam proposito vitæ suæ, quàm librorum à se editorum assertionibus depugnans.

IND. VI. *Theodosio III. & Abundantio Coss.*

Honorium pater suus Theodosius in eodem loco quo fratrem eius Archadiū Cæsarem fecit, id est septimo ab vrbe regia milliario. Tunc quippe hora diei tertia tenebræ factæ sunt.

IND. VII. *Archadio III. & Honorio II. Coss.*

Theodosius Augustus assumpto Honorio Cæsare, eodémque filio, contra Arbogastem, qui Eugenium tyrannum Imperatorem facere ausus est, iterum properauit. bello commisso Eugenius victus atque captus interfectus est, Arbogastes sua se manu perculit. Terræ-

motu à mense Septembrio in Nouembrium continuo imminente, aliquantæ Europæ regiones quassatæ sunt. Thermæ Archadianæ ex conditoris sui nomine nomen acceperunt.

IND. VIII. *Olybrio & Probino Coss.*

Theodosius Magnus apud Mediolanum vita decessit. Imperauit annos x vii. Corpus eius eodem anno Constantinopolim allatum, atq; sepultum. Archadius & Honorius germani, utrūque imperium diuisis tantum sedibus tenere cœperunt. Rufinus patricius Archadio principi insidias tendens, Alaricum Gothorū regem, missis ei clam pecuniis, infestū Reip. fecit, & in Græciam misit. Porrò detecto dolo suo Rufinus ab Italicis militibus, olim cum Gaina Comite Archadio missis, ante portas vr̄bis meritò trucidatus est. Caput eius manusque dextra per totam Constantinopolim demonstrata.

IND. IX. *Archadio IIII. & Honorio III. Coss.*

Rufini vxor & filia exulant. Eutropius sacri palatij cubicularius omnes opes abripuit, avaritiāque transgressus est. Terræmotus per dies plurimos

A v

fuit, cælumque ardere visum est.

IND. X. *Cæsario & Attico Coss.*

His consulibus Flaccilla Archadio nata est filia.

IND. XI. *Honorio IIII. & Eutychiano Coss.*

Romanæ ecclesiæ Anastasius xxxvii. episcopus ordinatus vixit annos quatuor. Ambrosius Mediolanēsis, virtutū episcopus, arx fidei, orator Catholicus, ad Christum Dominum commigravit. Ioannes Antiochiæ natus, ibique à Meletio eiusdem ciuitatis episcopo, eodemque confessore, lector ecclesiæ ordinatus, per singulos officij gradus ascendit. Vbi per quinquennium continuum Diaconus multos diuinósque edidit libros: Presbyter quoque factus per xii. annos plures confecit. Tanta dehinc opinione vbique meritò propagatus, Constātinopoli in locum Nestarij pontifex succēctus est. vbi plurima dulciaque diuinarum scripturarum volumina suo operi catholico addidit, hosq; episcopos habuit inimicos, Theophilum Alexandrinū, Epiphanium Cyprium, Acacium Beroensem, Antiochum Ptolomensē, Scuerianum Ga-

balensem, & Seuerum Calchedonensē. Gildo Comes, idēque paganus, qui mortuo Theodosio principe Africæ præerat, dum Archadio & Honorio adhuc pueris regnantibus inuidet, Africamque nititur obtinere, frater eius Mascezel cognita eius vesania, relictisque duobus apud Africam filiis, in Italiam remeat: Gildo vtrumque fratris filium dolo trucidat. Mascezel fratris scelere cognito, cum quinque millibus suorum contra Gildonem cū lxx. millibus armatorum sibimet obuiantem infestus accedit, Gildonēque parricidam ieiuniis & orationibus suis, immò beati Ambrosij in somnis admonitu, auxiliantibus fugauit. Gildo fugiens propria se manu strangulauit: sicque Mascezel sine bello victoriam meruit, ac sine cæde vindictam.

IND. XII. *Theodoro & Eutropio eunucho Coss.*

Hic Eutropius omnium spadonum primus atque vltimus consul fuit: de quo Claudianus poëta ait,

Omnia cesserunt Eunucho consule monstra.
Pulcheria Archadio altera filia nata est. Gaina Comes apud Constantinopolim

ad præparandum ciuile bellum barbaros suos occultè admonet; ipse valetudinem simulans vrbe digreditur. cæpto aduersus Byzantios prælio plurimi hostium cadunt, cæteri fugientes ecclesiæ nostræ succedunt, ibique relecto ecclesiæ culmine, iactisque desuper lapidibus obruuntur.

IND. XIII. *Stilichone & Aureliano Coss.*

Bellum nauale contra Gainam tyrannum inter Cherronesum & Hellespontum gestum est: multa millia Gothorum cæsa, vel demersa sunt. Gaina Comes de hoc bello fugiens euasit. ipso tamen anno occisus est mense Februario.

IND. XIV. *Vincentio & Frauita Coss.*

Caput Gainæ hastili præfixum Constantinopolim allatum est. Maris Pontici superficies ita gelu frænata est, ut per triginta dies soluta tandem glacies instar montium per Propontidem supernè portata decurreret. Theodosius iunior patre Archadio natus est III. Idus Apriles.

IND. XV. *Archadio V. & Honorio V. Coss.*

Romanæ ecclesiæ Innocentius XXXVIII. creatus antistes, vixit an-

nos xv. Theodosius iunior in loco quo pater, patruusque suus, Cæsar creatus est. Constantinopoli ingens terræ motus fuit.

IND. I. *Theodosio iuniore & Rumorido Coss.*

Marina patre Archadio nata III. Idus Febr. Eudoxiæ Archadij vxoris super porphyreticam columnam argentea statua iuxta ecclesiam posita hætenus sistit. Ioannem Constantinopolitanæ ciuitatis episcopum, cui supradicti sex antistites in cassum æmuli fuere, aliosque triginta sibimet episcopos consciuere, nolente Archadio principe, in Cucusum Armeniæ oppidum exulem miserunt, eumque post annum vnum in villam, quæ Comana in regione Pontica dicitur, de exilio in exilium relegarunt. Hunc ibidem mortuum religiosa Orthodoxorū plebs in atrio Basilisci episcopi sancti, idemq. martyris, ab eodem Martyre in somnis admonita, in nouum moxque repertum sepulchrum recondidit.

IND. II. *Honorio vi. & Aristaneto Coss.*

Ecclesiam Constantinopolitanam flamma ignis, quæ de beati Ioannis thro-

no quondam episcopi nata fuit, subito conflagrauit, vicinamque ecclesiæ vrbis faciem serpens nihilominus exussit. Eudoxia vxor Archadij diem obiit.

IND. III. *Stilichone II. & Anthemio Coss.*

Isauri per montem Tauri discursantes ingens dispendium Reip. importarunt: quibus Narbazaicus legatus maius continuò rependit incommodum.

IND. IV. *Archadio VI. & Probo Coss.*

Theodosius iunior quinquennialia dedit. Radagaisus paganus & Scythæ cum ducentis millibus suorum totam Italiã inundauit. Huldin & Sarus Hunnorum Gothorumque reges Radagaïsum continuò deuicerunt, ipsius capite amputato, captiuos eius singulis aureis distrahentes.

IND. V. *Honorio VII. & Theodosio iuniore II. Coss.*

Cisterna maxima iuxta porphyreticam Constantini Imperatoris columnam in foro eius sub plateæ transitum constructa est.

IND. VI. *Basso & Philippo Coss.*

Stilicho Comes, cuius duæ filiæ Maria & Thermantia singulæ vxores Honorij principis fuere, vtraque tamen

virgo defuncta , spreto Honorio , regnumq; eius inhians , Alanorū, Sueuorum , Vandalorumque gentes donis pecuniisque illectas contra regnū Honorij excitauit, Eucherium filium suum paganum & aduersum Christianos insidias molientem cupiens Cæsarem ordinare. qui cum eodem Eucherio dolo suo detecto occisus est. Romæ in foro pacis per dies septem terra mugitum dedit, Archadius Imp. vitæ finem fecit. regnauit post obitum patris sui Theodosij annos x i i i.

IND. VII. *Honorio VIII. & Theodosio iuniore III. Cos.*

Apud Constantinopolim magna exarsit populi seditio , panis scilicet penuria sibi met ingruente .

IND. VIII. *Varane solo Cos.*

Alaricus trepidam urbem Romam inuasit, partemque eius cremauit incendio , sextoque die quàm ingressus fuerat deprædata vrbe egressus est, Placidia Honorij principis sorore abducta , quam postea Ataulfo propinquo suo tradidit vxorem.

IND. IX. *Honorio IX. & Theodosio IV. Coss.*

Theodosius iunior decennalia, Honorius Romæ vicennalia dedit. Constantinus apud Gallias inuasit imperium, filiumque suum ex monacho Cæsarem fecit: ipse apud Arelatum ciuitatē occiditur, Constans filius apud Viennam capite plectitur.

IND. X. *Theodosio Imp. v. solo Coss.*

Iouinus ac Sebastianus in Galliis tyrannidem molientes occisi sunt. Attalus in mari captus, atque Honorio exhibitus, truncata manu vitæ relictus est.

IND. XI. *Lucio solo Coss.*

Heraclianus Africæ Comes cū septingentis nauibus & tribus militum milibus ad urbem tendens, mox ad urbem Romam egressus est, occurſu Marini Comit̃is territus & in fugam versus, arrepta naue solus Carthaginem rediit, ibique illicò interfectus est.

IND. XII. *Constantio & Constante Coss.*

Pulcheria Theodosij soror Augusta appellata est. Valia rex Gothorum facta cum Honorio principe pace, Placidiam sororem eius eidem viduam reddidit.

IND.

IND. XIII. *Honorio X. & Theodosio VI. Coss.*

Ecclesia Constantinopolitana dudum igni cremata, his Coss. restaurata dedicataque est, Artico episcopo eandem regente ecclesiam. Lucianus presbyter vir sanctus, cui reuelauit Deus his Consulibus locum sepulcri & reliquiarum corporis sancti Stephani primi Martyris, scripsit ipsam reuelationem Græco sermone ad omnium ecclesiarum personas.

IND. XIII. *Theodosio VII. & Palladio Coss.*

Orosius presbyter Hispanici generis septem libros historiarum descripsit. Missus ab Augustino episcopo idem Orosius pro discenda animæ ratione ad Hieronymum Presbyterum, reliquias beati Stephani tunc nuper inuentas rediens primus intulit Occidenti. Atticus Constantinopolitanus episcopus scripsit ad reginas, Archadij Imp. filias, de fide & virginitate librum valde egregium, in quo præueniens Nestorianum dogma impugnat.

IND. XV. *Honorio XI. & Constantio II. Cess.*

Tenebræ in die factæ sunt. Cybera Asiæ ciuitas, aliquantaque prædia terræ motu demersâ. Romanæ ecclesiæ Zosimus xxxviii. episcopus ordinatus vixit annis iii.

IND. I. *Honorio XII. & Theodosio VIII. Cess.*

Plinta Comes, idemque rebellio, apud Palæstinam prouinciam deletus est. Solis defectio facta est. Stella ab Oriente per septem menses surgens ardensque apparuit.

IND. II. *Monaxio & Plinta Cess.*

Valentinianus iunior apud Rauennam patre Constantio, & Placidia matre, v. Nonas Iulias natus est. Multæ Palæstinæ ciuitates villæque terræmotu collapsæ. Dominus noster Iesus Christus semper vbique præsens, & super montem Oliueti Hierosolymæ vicinum sese de nube manifestauit. Multæ tunc vtriusque sexus vicinarum gentium nationes, tam visu quàm auditu perterritæ, atque credulæ, sacro Christi fonte ablutæ sunt, omniumque baptizatorum in tunicis crux Christi saluæ.

toris , diuinitatis nutu , extemplo impressa refulsit.

IND. III. *Theodosio IX. & Constantio III. Coss.*

Romanæ ecclesiæ Bonifacius XL. episcopus ordinatus, vixit anhis tribus. In Oriente tumultum milites excitant, ductoremque suum Maximinum nomine extinxerūt. In Perside in Christianos persecutio desauit.

IND. IIII. *Eustathio & Agricola Coss.*

Theodosius Imp. Eudociam Achinam duxit vxorem. Archadio patri suo in foro eius, super immanem columnā, ingentem statuam idem Theodosius dedicauit. Cisterna Aëtij constructa est. Romani cum Persis confligere.

IND. V. *Honorio XIII. & Theodosio X. Coss.*

Theodosius Imp. Eudoxiam filiā genuit. In tricennalia Honorij, Maximus tyrannus & Iouinus ferro victi, adducti de Hispaniis atque interfecti sūt. Hunni Thraciam vastauerunt. Persæ cum Romanis pacem pepigere.

IND. VI. *Asclepiodoto & Mariniano Coss.*

Cælestinus Romanæ ecclesiæ XLI. Antistes creatus est, vixit annos IX. E-

B ij

uagrius scripsit altercationem Iudæi Simonis & Theophili Christiani, quæ penè omnibus nota est. Terræmotus multis in locis fuit, & frugum inedia subsequuta. Philippus & Salustius philosophi morbo perierunt. stella sæpe ardente crinita Honorius Imp. fatale munus impleuit.

IND. VII. *Victore & Castino Coss.*

Placidia mater Valentiniani Augustanuncupata est. Valentinianus Cæsar creatus Theodosij Imp. Eudoxiam filiam sibimet desponsauit. Ioannes regnum Occidentale Honorio defuncto inuasit.

IND. VIII. *Theodosio XI. & Valentiniano Cæsare Coss.*

Suprafatus Ioannes dolo potius Ardaburis & Asparis, quàm virtute occiditur. Valentinianus iunior apud Ra-uennam factus est Imperator.

IND. IX. *Theodosio XIII. & Valentiniano II. Coss.*

Sisinnius vir sanctæ simplicitatis, & simplicis sanctitatis, Constantinopolitanus episcopus factus est.

IND. X. *Hierio & Ardabure Coss.*

Pannoniæ, quæ per quinquaginta an-

nos ab Hunnis retinebantur , à Romanis receptæ sunt. Thermæ Theodosianæ dedicatæ.

IND. XI. *Felice & Tauro Coss.*

Nestorius Antiochia natus, vir satis quidem eloquentiæ, sapientiæ verò parum habens , Constantinopolitanis admodum adnitentibus , ex presbytero episcopus ordinatus est. Beatissimi Ioannis episcopi, dudum malorum episcoporum invidia exulati, apud Comitatum cœpit memoria celebrari mense Septembrio die xxvi.

IND. XII. *Florentio & Dionysio Coss.*

Orrhodoxi nostri Macedonianorum ecclesiam extra muros urbis positam abstulerunt , quoniam iidem Macedoniani Antoninum Germis Catholicum episcopum interfecerunt. Beatissimus Augustinus Hipponensis ecclesiæ elegantissimus Christi sacerdos, doctôrque præcipuus, morte placida quieuit.

IND. XIII. *Theodosio XIII. & Valentiniano III. Coss.*

Theodosius Imp. tricennalia gessit. Felix apud Rauennam occiditur. Cælestinus Romanæ arcis pōtifex , Nestorio prauitatis episcopo per epistolam suam ,

B iij

datiseidem x. dierum induciis, vel poenitenti veniam, vel dissentienti damnationem denunciat. Idem Nestorius ecclesiæ Constantinopolitanæ perfidus Antistes, à quo & Nestoriana perfidia pullulauit, apud Ephesum ducentorum sanctorum patrum sententia in Synodo condemnatus est, Cælestino Cyrillum Alexandrinæ ciuitatis episcopum pro tempore vicarium denunciante: in locum Nestorij Maximianus episcopus est subrogatus.

IND. XIII. *Antiocho & Basso Coss.*

Flacilla Theodosij Augusti filia extremum spiritum fudit. Barbari vrbe Augusta enutriti ad ecclesiam nostram hostili ritu confluunt: ignem in ecclesiam ad comburendum altare dum infesti iaciunt, inuicem sese, resistente Deo, trucidant. Hoc tempore dum ad horrea publica Theodosius processum celebrat, tritici in plebe ingruente penuria Imperator ab esuriente populo lapidibus impetitur.

IND. XV. *Valerio & Aetio Coss.*

Romanæ ecclesiæ Xystus XLII. episcopus ordinatus vixit annis VI. Placidia matris Valentiniani Imp. instin-

Et, ingens bellum inter Bonifacium & Aetium patricios gestū est. Aetius longiore Bonifacij telo pridie sibimet præparato, Bonifacium congregientem vulneravit illæsus: tertioque mense Bonifacius vulnere quo sauciatus fuerat emoritur, Pelagiam vxorem suam valde locupletem, nulli alteri nisi Aetio ut nuberet exhortans.

IND. I. *Theodosio XIV. & Maximo Coss.*

Maxima vrbis regiarum pars Septentrionalis per tres dies continuos incensa, collapsaque est mense Augusto.

IND. II. *Ariobindo & Aspare Coss.*

Honoriam Valentiniani Imp. soror ab Eugenio procuratore suo stuprata concepit, palatioque expulsa, Theodosio principi de Italia transmissa, Attilanem contra Occidentalem remp. concitabat.

IND. III. *Theodosio XV. & Valentiniano IV. Coss.*

Forum Theodosij Imp. in loco qui Helianæ dicitur ædificatum est. Sebastianus Bonifacij quondam patricij gener vrbis Augusta fugit, atque in Africa interemptus est.

IND. IV. *Isidoro & Senatore Coss.*

Theodosius Imp. Cyzicum ciuitatem nauibus petit, multaque eidem ciuitati munificentia præstita, urbem Augustam renauigauit.

IND. V. *Actio II. & Sigisualdo Coss.*

Valentinianus Imp. Roma digressus, ad copulandam sibi in matrimonium Eudoxiam Theodosij principis filiam, quam dudum desponsauerat, Constantinopolim aduenit, eaque sibi nupta apud Thessalonicam, Italiam repetens hyemauit.

IND. VI. *Theodosio XVI. & Fausto Coss.*

Cotradis prædo cum piratis suisque comitibus captus, interfectusque est. Reliquiæ beatissimi Ioannis, Augustæ urbis quodam episcopi, eidem redditæ ciuitati, ibiq. sepultæ, mense Ianuario die xxviii. Valentinianus Imp. cum Eudoxia uxore Rauennam ingressus est.

IND. VII. *Theodosio xvii. & Festo Coss.*

Theodosius Imp. octaua quinquennialia edidit. Eudocia uxor Theodosij principis ab Hierosolymis urbem Regiæ remeauit, beatissimi Stephani primi martyris reliquias, quæ in basilica S.

Laurentij positæ venerantur, secum deferens. Hoc tempore Gensericus rex Vúandalorum Africæ ciuitates, Carthaginémque metropolim cum suis satellitibus occupauit x. Cal. Nouembris.

IND. VIII. *Valentiniano v. & Anatolio Coss.*

Paulinus magister officiorum in Cæsarea Cappadociæ, iubente Theodosio Principe, interemptus est. Romanæ Ecclesiæ Leo XLIII. papa creatus vixit annos XXI.

IND. IX. *Cyro solo Coss.*

Persæ, Sarraceni, Zanni, Isauri, Hunni finibus suis egressi Romanorum solavastarunt. Missi sunt contra hos Anatolius & Aspar magistri militiæ, pacémque cum eis vnus anni fecerunt. Ioannes natione Vuandalus, magistérque militiæ, Arnegiscli fraude in Thracia interemptus est. Hunnorum reges numerosis suorum cum millibus in Illyricum irruerunt: Naïsum, Singidunum, aliásque ciuitates, oppidáque Illyrici plurima exciderunt.

IND. X. *Eudoxio & Dioscoro Coss.*

Stella quæ crinita dicitur per pluri-

mum tempus ardens apparuit. Bleda & Attila fratres, multarúmque gentium reges, Illyricum, Thraciámque depopulati sunt.

IND. XI. *Maximo II. & Paterio Coss.*

His consulibus tanta nix cecidit, ut per sex menses vix liquefcere potuerit: multa hominum & animalium millia frigoris rigore cōfecta perierunt. Theodosius Imp. ex Asiána expeditione in urbem redit. Thermarum quæ Achilleæ dicuntur encæniæ factæ.

IND. XII. *Theodosio XVIII. & Albino Coss.*

Theodosius princeps nona quinquennialia dedit. Archadia soror Theodosij viuendi finem fecit. Aliquanta Bithyniæ oppida atque prædia continuarum vilonga pluuiarum, & fluuiorum inundatione crescentium, sublapfa dissolutaque perierunt. Seuerum presbyterum & Ioannem Diaconum Eudociæ reginæ apud Æliam urbem ministrantes, missus ab Imp. Theodosio Saturninus Comes domesticorum occidit. Eudocia nescio quo excita dolore Saturninum protinus obtruncavit: statimque mariti Imp. nutu, regiis spoliata ministris,

apud Æliam ciuitatem moritura remansit.

IND. XIII. *Valentiniano v.l. & Nomo Coss.*

Bleda rex Hunnorum Attilæ fratris sui insidiis interimitur. Apud Byzantiū populari orta in Circo seditione multi sese inuicem occiderunt, multaque intrinsecus hominum pecudumque morbo corpora perierunt.

IND. XIV. *Actio III. & Symmacho Coss.*

His consulibus magna fames Constantinopolim inuasit, pestisque ilicò subsecuta. Templum Regiæ ciuitatis igne crematum.

IND. XV. *Ardabure & Callepio Coss.*

Ingenti terræ motu per loca varia imminente plurimi vrbs Augustæ muri recenti adhuc reedificatione constructi, cum LVII. turribus corruerunt. Saxa quoque ingentia in foro Tauri dudum super sese in ædificio posita, statuarumque plurimarum sine ullius videlicet læsione collapsæ sunt, plurimis nihilominus ciuitatibus collapsis: fames, & aërum pestifer odor multa millia hominum iumentorumque deleuit. Ingens bellum

& priore maius per Attilam regem nostris inflicto, penè totam Europam, excisis inuasisque ciuitatibus, atque castellis, conrasit. Eodem anno, vrbis Augustæ muri olim terræmotu collapsi, intra tres menses, Constantino Præfecto prætorio operâ dante, reedificati sunt. Attila rex vsque ad Thermopolim infestus aduenit. Arnegisclus magister militiæ in ripense Dacia, iuxta Vtum amnem, ab Attila rege, viriliter pugnans, plurimis hostium interemptis, occisus est.

IND. I. *Zenone & Postumiano Coss.*

Prouincia India Theodosio principi Tigrim domitam pro munere misit. Vtramque porticum Troadensem, turrésque portarum vtrasque ignis subitus exussit: quarum ruina continuò repurgata, Antiochus Præfectus prætorio in pristinam erexit speciem: legatis Attilæ à Theodosio despectas olim pecunias flagitantibus.

IND. II. *Protogene & Asturio Coss.*

Marina Theodosij regis soror fati munus impleuit. Flauianus episcopus in secunda apud Ephesum Synodo, vi Dioscori Alexandrini episcopi, & Sa-

turnini spadonis in Epip̃a exulatus est.
 Arcobinda & Taurus patricij communi
 vita defuncti sunt.

*IND. III. Valentiniano VII. &
 Abieno Coss.*

Theodosius Imp. viuendi finem fecit: regnauit post mortem Archadij patris sui annos **xlii**. Loco eius Marcianus imperium adeptus est. Crysaſpius eunuchus, Pulcheriæ Theodosij sororis nutu, sua cum auaritia interemptus est.

IND. IV. Marciano Aug. & Adelfio Coss.

Leone pontifice sedem B. Petri regente, **dcxx**. patrum sancta & vniuersalis synodus contra Eutychetem nefandissimorum præfulem monachorum, apud Calchedonam in basilica sanctæ Eufemiæ firmata est: solus Dioscorus Alexandrinæ ecclesiæ episcopus dissensit, statimque ab iisdem catholicis patribus sacerdotio abdicatus est.

IND. V. Sporacio & Herculano Coss.

Marcianus Aug. suis statuit decretis, vti hi qui consules fieri cupiebant nihil æris in populum spargerent, sed statutam pecuniam ad reparandum vr̃bis aquæ ductum dependerent. Hoc tempore tres magni lapides è cælo in Thra-

cia ceciderunt. Aquileia ciuitas ab Attila Hunnorum rege excisa est.

IND. VI. *Vincemalo & Opilione Coss.*

Ioannes præcursor Domini & baptista, caput suum, quod olim Herodias impia nefandaque postulatione ab humeris amputatum & in disco positum accepit, præculque à truncato eius corpore sepeliuit, duobus Orientalibus monachis ob adorandam apud Hierosolyman Christi Domini resurrectionem introeuntibus reuelauit, ut ad Herodis quondam regis habitaculum accedentes admoniti requirerent, fideliterque humo extollerent. Hoc ergo caput fide repertum, suaque hispida in mantica conditum, dum ad propria remeantes habitacula peruehunt, quidam Emisenæ figulus ciuitatis, diutinam imminentemque sibi fugiens paupertatem, sese his exhibuit comitem: quique dum nescius peram sibi creditam cum sacro capite portat, ab eo cuius caput vehibat, noctu admonitus, utrumque comitem fugiens dereliquit, statimque Emisenam urbem cum sancto leuique onere introgressus est. Ibi dum aduixit præcursoris Christi veneratus est caput, mo-

rienſque ſorori ſuæ rerum neſciæ ſignatum in vaſculo tradidit recolendum. Illa verò ſucceſſori ſuo repositū, ſignatūque vt erat dereliquit. Porro Euthochius quidam occultus Arrianæ perfidiæ præſbyter, talem tantūque theſaurum indignus obtinuit, gratiāque quam Chriſtus Dominus per Ioannem Baptiſtam infirmo populo tribuebat, iſcam, ac ſi ſuam duntaxat, in vulgo diſſeminabat. Hinc prauitate ſua detecta Emiſena ciuitate expulſus eſt. Hoc inde antrum, in quo beatiffimi Ioannis caput in urnam miſſum, ſub terraque reconditum erat, quidam monachi pro habitaculo habere cœperunt. Marcellus demum præſbyter, totiuſque monaſterij præſul, dum in eodem ſpecu vita irreprehenſibili habitat, idem B. Ioannes Chriſtiſque præcurſor ſeſe eidem ſuumque oſtendit caput, ibidēque ſepultum multis præfulgens virtutibus patefecit. Hoc igitur venerabile caput ſub Vranio memoratæ epiſcopo ciuitatis, per præſatum Marcellum præſbyterum conſtat inuentum Vincomalo & Opilione coſſ. menſe Februario, die **XXIIII.** media ieiuniorum paſchaliū

septimana, Imperatorib. verò Valentiniano & Marciano regnātibus. Pulcheria Augusta Marciani principis vxor, B. Laurentij atriū inimitabili opere consummauit, beatūmq. viuendi finē fecit.

IND. VII. *Aëtio & Studio Coss.*

Attila rex Hunnorum Europæ orbator prouinciæ noctu mulieris manu cultroque confoditur. Quidam verò sanguinis reiectione necatum perhibent. Aëtius patricius magna Occidentalis Reip. salus, & regis Attilæ terror, à Valentiniano Imp. cum Boëtio amico in palatio trucidatur, atque cū ipso Hesperium cecidit regnum, nec hactenus valuit releuari.

IND. VIII. *Valentiniano VIII. & Anthemio Coss.*

Valētinianus princeps dolo Maximī patricij, cuius etiā fraude Aëtius perierat, in campo Martio per Optilam & Traustilam Aëtij satellites, iam percusso Heraclio spadone, truncatus est. Idem Maximus inuasit imperiū, tertioq. tyraanidis suæ mense, membratim Romæ à Romanis tractus discerptusque est. Genfericus rex Vuandalorum, ab Eudoxia Valentiniani vxore epistolis inui-

inuitatus ex Africa Romam ingressus est, eaque vrbe rebus omnibus spoliata, eandem Eudoxiam cum duabus filiabus secum rediens abduxit.

IND. IX. *Varane & Ioanne Coss.*

His consulibus innumera locustarum agmina fructum Phrygiæ vastauerunt. Eucherus Lugdunensis Ecclesiæ pontifex multa scripsit tam ecclesiasticis, quàm monasticis studiis necessaria.

IND. X. *Constantino & Rufo Coss.*

Marcianus Imp. bonis principibus comparandus vitæ spiritum amisit. imperauit annos VI. menses VI. Leo eisdem defuncto successit, cuius voluntate Maiorianus apud Rauennam Cæsar est ordinatus.

IND. XI. *Leone Aug. & Maioriano Coss.*

Leo Imp. pro tomo Calchedonense per vniuersum orbem singulis orthodoxorum episcopis, singulas consonantesque misit epistolas, quo sibi quid de eodem tomo sentirent cuncti suis re-scriptionibus indicarent. Horum omnium episcoporum ita conspirantes suscepit epistolas, vt eas putares vno tempore vnus viri eloquio fuisse dictatas.

IND. XII. *Patricio & Ricimere Coss.*

Isaac Antiochenæ ecclesiæ presbyter scripsit Syro sermone multa, præcipuè-
que aduersus Nestorianos & Eutychia-
nos. Ruinam etiam Antiochiæ elego
carmine plāxit, quemadmodum Ephrē
diaconus Nicomediæ lapsum.

IND. XIII. *Apollonio & Magno Coss.*

Cyzicus ciuitas terræmotu concus-
sa, murorūque suorum ambitu inter-
rupto, sese suosque diu deplanxit.

IND. XIII. *Dagalaifo & Seuerino Coss.*

Romanæ ecclesiæ Hilarus XLIII.
pontifex factus, vixit annos VI. Maio-
rianus Cæsar apud Dertonam, iuxta flu-
uium qui Hyra dicitur, interemptus est.
Locum eius Seuerus inuasit.

IND. XV. *Leone Aug II. solo Coss.*

Iacobus natione Achiuus, religione
paganus, medicinæ artis peritia, tam
ingenio quàm literatura perclaruit. Hic
ob medendum Leonem Aug. febre de-
fatigatum, sacrum palatij cubiculum
vocatus intrauit, statimque in sella
iuxta thorum imperialem posita, sine
ullo Augusti nutu consedit, sicque me-
dicas adhibuit manus. Porro meridie
ad eundem sacrum puluinar reuersus,

sublatum sui propter solium, in quo matutinus resederat, protinus intellexit, spondamque thori regiam intrepidus supersedit, veterumque studij sui repletorum præceptionibus monitum id sese gessisse, non temerè præsumsisse, ægotantem docuit principem.

IND. I. *Viviano & Felice Coss.*

Prosper homo Aquitanicæ regionis, sermone scholasticus, & assertionibus nervosus, multa composuisse dicitur. Epistolæ quoque Papæ Leonis aduersus Eutychem de vera Christi incarnatione datæ, ab isto dictatæ creduntur.

IND. II. *Rusticio & Olybrio Coss.*

Beorgot rex Alanorum à Ricimere rege occiditur.

IND. III. *Basilisco & Hermenerico Coss.*

Constantinopolis magno inuasa incendio, facièque fœdata deplanxit. Seuerus, qui Occidentis arripuit principatum, Romæ interiit.

IND. IIII. *Leone Aug. III. solo Coss.*

Theodoritus episcopus Cyri ciuitatis, scripsit de incarnatione Domini aduersus Eutyché presbyterum, & Dioscorum Alexandrinæ ecclesiæ episcopum, qui humanam in Christo carnem

fuisse denegant.

IND. V. *Puseo & Ioanne Coss.*

Leo Imp. Anthemium patricium Romanam misit, Imperatoremque constituit. Romanæ ecclesiæ Simplicius XLV. Pontifex creatus vixit annos XV. Rauen-
nam ciuitatem terræmotus deterruit.

IND. VI. *Anthemio Aug. II. solo Coss.*

Marcellinus Occidentis patricius, idemque paganus, dum Romanis contra Vandalos apud Carthaginem pugnantibus opem auxiliumque fert, ab iisdem dolo confoditur, pro quibus palam venerat pugnaturus.

IND. VII. *Zenone & Marciano Coss.*

His consulibus caput Denzicis Hunnorum regis Attilæ filij Constantinopolim allatum est.

IND. VIII. *Iordane & Senero Coss.*

Gennadius Constantinopolitanæ ecclesiæ pontifex Danihelem prophetam ex integro ad verbum commératus est, & Homilias multas composuit, & Pauli epistolas omnes exposuit.

IND. IX. *Leone Aug. III. & Pro-
biano Coss.*

Aspar primus patriciorum cum Ardabure & Patriciolo filius, illo quidem

olim patricio, hoc autem Cæsare, generoque Leonis principis appellato, Arrianus cum Arriana prole spadonum ensibus in palatio vulneratus interiit.

IND. X. *Marciano & Festo Coss.*

Vesuvius mons Campaniæ torridus intestinis ignibus æstuans exusta euomit viscera, nocturnisque in die tenebris incumbētibus, omnem Europæ faciem minuto contexit puluere. Huius metuendi memoriam cineris Byzantij annuè celebrant VIII. Idus Nouemb. Anthemius Imp. Romæ à Ricimere genero suo occiditur. Loco eius Olybrius substitutus, septimo mense imperij sui vita defunctus est. In Asia aliquantæ ciuitates vel oppida terræmotu collapsa sunt.

IND. XI. *Leode Aug. v. solo Coss.*

Glycerius apud Rauennam plus præsumptione quàm electione Cæsar factus est. Constantinopoli seditione in Circo orta, multi Isaurorum à populo interempti sunt.

IND. XII. *Leone iuniore solo Coss.*

Leo senior Imp. Leone iuniore à se iam Cæsare constituto, morbo periit, tam sui imperij annis, quàm

C. iij

huius Leonis regni mensibus computatis, anno xvii. mense vi. Zenonē Leo iunior, idēmq; filius Imperator principem regni constituit. Glycerius Cæsar Romæ imperium tenēs, à Nepote, Marcellini quondā patricij sororis filio, imperio expulsus, in portu vrbis Romæ ex Cæsare episcopus ordinatus est, & obiit.

IND. xiii. *Zenone Aug. II. solo Cos.*

Zeno Imp. Verinæ socrus suæ, & Basilisci fratris eius insidiis circumuentus, cum Ariadne vxore sua profugus in Isauriam tendit. Regnum Zenonis Basiliscus tyrānus inuasit. Nepos, qui Glycerium regno pepulerat, Romæ eleuatus est Imperator. Nepote Orestes protinus effugato, Augustulū filium suum in imperium collocauit.

IND. xiiii. *Basilisco & Armato Coss.*

Basiliscus tyrannus Marco filio suo Cæsare facto, dum contra fidem Catholicam Nestoriana perfidia intumescens conatur assurgere, antè inflatus crepuit, quàm pœnitens stare potuerit. Basiliscus cum filio, & cum Zenonida vxore sua, iam Zenone pristinum ad imperiū remeante, in exilium missus est, atque in oppidulū, quod Leminis in prouin-

cia Cappadociæ dicitur , trusus fame extabuit. Odoacer rex Gothorum Romam obtinuit, Orestem Odoacer ilicò trucidavit, Augustulum filium Orestis Odoacer in Lucullano Campaniæ castello exilij pœna damnavit. Hesperium Romanæ gentis imperium , quod septingentesimo nono vrbis conditiæ anno primus Augustorū Octavianus Augustus tenere cœpit, cum hoc Augustulo periit, anno decessorum regni Imperatorum DXXII. Gothorum dehinc regibus Romam tenentibus.

IND. XV. *Sine consulibus.*

Bracilam Comitē Odoacer rex apud Rauennam occidit.

IND. I. *Illo solo Cos.*

Theodulus presbyter in Cœlesyria multa conscripsit, clarusque habetur.

IND. II. *Zenone Aug III.*

Sabinianus magnus Illyricianæ vtriusque militiæ ductor creatus , curiam fragilem , conlapsūque iustum Reipublicæ censum , vel præpauentem fouit , vel dependentem tutatus est. Disciplinæ præterea militaris ita optimus institutor coërcitorque fuit, vt priscis Romanorū ductoribus com-

C iiij.

paretur. Theodoricū idem Sabinianus regem apud Græciam debacchantem ingenio magis quàm virtute deterruit.

I N D. III. *Basilio solo Cos.*

Vrbs regia per x l. continuos dies assiduo terræmotu quassata magnoperè sese afflicta deplanxit. Ambæ Troadenses porticus corruerunt, aliquantæ ecclesiæ vel scissæ sunt, vel collapsæ. Statua Theodosij magni in foro Tauri super cochlidem columnā posita corruit, duobus fornicibus eiusdem collapsis. Hunc formidolosum diem Byzātij celebrant v i i i. Cal. Octobris. His Coss. Nepos, quem dudum Orestes imperio abdicauerat, Viatoris & Ouidæ comitum suorum insidiis, haud longè à Salonis, sua in villa occisus est.

I N D. IIII. *Placido solo Cos.*

Theodoricus Triarij filius rex Gothorum adscitis suis vsque ad Anaplū, quarto vrbs milliario aduenit: nulli tamē Romanorum noxius continuò reuersus est. Porrò in Illyricum properans, dum inter suorum mouentia plaustra progreditur, iacentis super carpentum teli acumine, & pauescentis equi sui impulsione, fixus transuerberatusq.

interiit. Sabinianum magnum mors, quæ huic peccanti mundo meritò imminet, antè eum ademit, quàm integrum defatigatæ reip. subsidium foret.

IND. V. *Trocondo & Senerino Coss.*

Romanæ ecclesiæ Felix XLVI. episcopus ordinatus vixit annis XII. Theodoricus cognomento Valamer vtramq. Macedoniam, Thessaliàmque depopulatus est, Larissam quoque metropolim deprædatus.

IND. VI. *Fausto solo Coss.*

Idem Theodoricus rex Gothorum Zenonis Aug. munificentis penè pacatus, Magistërque præsentis militiæ factus, Consul quoque designatus, creditam sibi ripensis Daciæ partem, Mœsiæque inferioris, cum suis satellitibus pro tempore tenuit.

IND. VII. *Theodorico & Venantio Coss.*

Illus natione Isaurus, dignitate Magister officiorum, amputata apud Comitatum auricula, Orientem Zenoni infestus inuasit. Porro cum Leontio tyrannidem arripuit. Totam namque per Africam crudelis Hunerici Vvandalarum regis in nostros Catholicos persecutio importata est. Nam exulatis, diffu;

C v

gatisque plusquam CCCXXXIII. orthodoxorum Episcopis, ecclesiisque eorum clausis, plebs fidelium variis subacta suppliciis, beatū cōsummauit agonem. Nempe tunc idem rex Hunericus, vnus Catholici adolescentis, vitam à natiuitate sua sine vllo sermone ducentis, linguā præcepit excidi, idemq; mutus quod sine humano auditu Christo credens fide didicerat, mox præcisa sibi lingua locutus est, gloriamque Deo in primo vocis suæ exordio dedit. Denique ex hoc fidelium contubernio aliquantos ego religiosissimos viros præcisis linguis, manibus truncatis, apud Byzantium integra voce conspexi loquentes. Hæc Arrianorum crudelitas in religiosos Christi cultores superscriptis Coss. mense Februario cœpit infligi.

IND. VIII. *Symmacho solo Cof.*

Longinus Zenonis frater Augusti, post decennalem custodiam, quam eidē Illus apud Isauriam inflixerat, ad germanum suum Constantinopolim aduenit.

IND. IX. *Longino solo Cof.*

Ioannes Antiochenæ parœciæ ex grammatico presbyter, scripsit aduer-

sum eos, qui in vna tantum substantia adorandum asserunt Christum, nec ad-
quiescunt duas in Christo confitendas
esse naturas.

IND. X. *Boetio solo Cos.*

Theodoricus rex Gothorum Zenonis Augusti nunquam beneficiis satiat-
us, magna suorum manu, usque ad re-
giam ciuitatem & Melentiadam oppi-
dum infestus accessit, plurimisque locis
igne crematis, ad Nouensem Mœxiæ ci-
uitatem, vnde aduenerat, remeauit.

IND. XI. *Dinamio & Sifidio Cos.*

Leontius interea rex, & Illus tyran-
nus, in Papyrio Isauriæ castello capti,
decollatique sunt. Capita eorum Con-
stantinopolim allata præfixa hastilibus
tabuere. Eodem anno Theodoricus rex
omnium suorum multitudine assumpta
Gothorum in Italiam tendit.

IND. XII. *Eusebio & Probino Cos.*

Idem Theodericus rex Gothorum
optatam occupauit Italiam: Odoacer
idem rex Gothorum metu Theoderi-
ci perterritus, Rauennam ingressus est.
porro ab eodem Theodorico periuriis
illectus, interfectusque est.

IND. XIII. *Longino II. & Fausto Coss.*

Zeno Imp. Pelagij gulam in insula quæ Panormum dicitur, laqueo frangi præcepit.

IND. XIII. *Olybrio solo Coss.*

Zeno Augustus vita decessit, tam sui imperij annis, quàm Basilisci tyrannidis mensibus computatis, anno xvi. mense vi. Anastasius ex silentiario imperator creatus est. Bellum plebeium inter Byzantios ortum, parsque vrbs plurima atque Circi igne combusta.

IND. xv. *Anastasio Aug. & Ruso Coss.*

Dum bellū paratur Isauricum, dumque Isauri imperium sibi vindicare nituntur, in Phrygia iuxta Cotizum ciuitatem vndique confluunt, ibique Lilingis, segnis quidem pedes, sed eques in bello acerrimus, à Romanis primus in prælio trucidatur, omnesque simul Isauri fugæ dediti, per montana aspera, que loca Isauriam repetunt. Hoc bellum Isauricum per sex annos tractū est.

IND. I. *Eusebio II. & Albino Coss.*

Bella ciuilia aduersus Anastasij regnum apud Constantinopolim gesta sunt: statuz regis reginæque funibus ligatæ, atque per urbem tractæ. Iulianus

Magister militiæ nocturno prælio pugnans, Scythico ferro in Thracia confossus interiit.

IND. II. *Asterio & Prasidio Coss.*

Anastasius Imp. contra Orthodoxorum fidei maiestatem intestina cæpit prælia commouere. piaculi sui perfidiam prius in Eufemiū vrbis episcopū, sibi pro orthodoxorum fide viriliter resultantem, profano manifestauit ingenio. Laodicea, Hierapolis, & Tripolis, atque Agathicum, vno tempore vnoque terræmotu collapsæ sunt. Romanæ ecclesiæ XLVII. Gelasius episcopus ordinatus vixit annos IV.

IND. III. *Viatore solo Coss.*

Eufemius Augustæ ciuitatis antistes, de quo superius fecimus mentionem, falso ab Anastasio principe accusatus atque damnatus, in exilium ductus est. Locum Eufemij Macedonius tenuit.

IND. IIII. *Paulo solo Coss.*

Augustatico suo dudum Anastasius militibus præstito, donatium quoque hoc fratre Consule tribuit. India Anastasio principi elephantem, quem Plautus poëta noster Lucabum nomine dixit, duasque Camelopardatas pro mu-

nere milit.

IND. V. *Anastasio Aug. solo Cos.*

Solis defectus apparuit. bellūmq̃ue Isauricum hoc sexto anno sedatum. Athenodorus Isaurorum primus in Isauria captus decollatūsq̃. est. Caput eius Tarsum ciuitatem allatum pro portis hastili fixum extabuit.

IND. VI. *Ioanne Scytha & Paulino Coss.*

Romanæ ecclesiæ XLVIII. Anastasius pontifex ordinatus vixit annos II. Longinus Isaurus cognomēto Selinunteus, apud Antiochiam Isauriæ ciuitatem à Prisco Comite captus, Constantinopolim missus est, catenatusque per Agentem circumductus Anastasio principi, & populo ingens spectaculum fuit, variisque deinde cruciatibus apud Nicæam Bithyniæ ciuitatem expensus est. Nummis, quos Romani Terentianos vocant, Græci follares, Anastasius princeps suo nomine figuratis, placibilem plebi commutationem distraxit.

IND. VII. *Ioanne Gibbo solo Cos.*

Aristus Illyricianæ ductor militiæ cū xv. millibus armatorum, & cum dxx. plaustris armis ad præliandum necessariis oneratis, contra Bulgares Thraciam

deuastantes profectus est. Bellum iuxta Zurrā flūuīum confertum, vbi plus quā IV. millia nostrorum, aut in fuga, aut in præcipitio ripæ fluminis interempta sunt. Ibique Illyriciana virtus militum periit, Nicostrato, Innocentio, & Aquilino Comitibus interfectis. Hoc anno ingens terræmotus Ponticā concussit prouinciā.

IND. VIII. *Patricio & Hypatio Coss.*

Romanæ ecclesiæ XLIX. Symmachus episcopus factus, vixit annos XV. Anastasius Imp. donatium Illyricianis militibus, per Paulum tribunum notariorum erogandum misit.

IND. IX. *Pompeio & Auieno Coss.*

Constantio Præfecto vrbis ludos theatrales meridiano tempore spectante, pars in eodem spectaculo cerealis parti diuersò cæruleæ occultas præparauit insidias. Nam enses saxaque in vasis inclusa fictilibus, eadēque arma diuersis pomis desuper cumulata, sub Theatri porticu ritu videntium statuit. Dum residente Constantio ex more ciuium cōcrepant voces, antè visā quā audita arma excutiuntur, saxaque in incautos & ciues instar imbrium iaciū-

tur, ensesque vibrantes in amicorum,
inque vicinorum sanguine obliti, suis
cum percussoribus debacchantur: nutat
& congemiscit Theatri cauea, & refu-
gentium huc atque illuc suorum pedi-
bus conculcata, occisorumque foedata
cruore deplangit. Plus enim quàm tria
millia ciuium saxis, gladiisque, cōpres-
sionibus, & aquis proscenis amissos vrbs
Augusta defleuit.

IND. X. *Probo & Auieno Coss.*

Consuetam gens Bulgarorum depræ-
datam sæpe Thraciam, nullo Romano-
rum milite resistente, iterum deuasta-
uit. Amidam opulentissimam ciuita-
tem, monachorum eius astu proditam,
Choadis rex Persarum, quinto mense
quàm expugnare eam cœperat, irrupit,
proditorésque eius monachos obtrun-
cauit.

IND. XI. *Dextrate & Volusiano Coss.*

Tres Romanorum ductores, Patri-
cius, Hypatius, & Arcobinda, qui cum
xv. millibus armatorum olim in Persas
missi fuerant pugnaturi, iuxta Syficum
castellum cum iisdem Persis sine au-
dacia conflixerunt, multis tunc militū
ductoribus de prælio fugientibus cæsis.

Immenso

Immenso dehinc auri pondere hostibus dato, captam rebúsque vacuam Amidam ciuitatem, iidem nostri redemere ductores, Celere magistro officiorú sibi cum duobus millibus bellatorum in subsidium destinato.

IND. XII. *Cethego solo Cos.*

Interea Celer Magister officiorum per Callinicum Mesopotamiæ ciuitatem armatum ducens militem, ad deuastanda Persarum rura discurret, plurimos agrestes rusticis intentos laboribus more pecudum trucidat, pastores diuerforum pecorum cum numerosis iumentis abducit, castella latere lutóq. constructa inuadit, vsque ad pontem ferreum, sic nomine dictum, cuncta vastando progreditur, omnique præda positus ad communia castra ditato milite remeat, aliquanta dehinc ob percutiendum fœdus cum Persis deliberat, misso ad se pro pepigendo fœdere Armonio à secretis.

IND. XIII. *Sabiniano & Theodoro Coss.*

Idem Sabinianus Sabiniani magni filius, ductórque militiæ, delegatus contra Mundonem Getam arma cōstruxit, x. millia armatorum sibimet adscitorú,

D

plaustraque armis atque commeatibus onerata secum trahens, pugnaturus accessit. commissioque ad Horreo Margo prælio, multis suorum militibus in hoc conflictu perditis, & in Margo flumine enecatis, amissis præterea plaustris, in castellum, quod Nato dicitur, cum paucis fugit. tanta in hoc lamentabili bello spes militum cecidit, ut quantum apud mortales nequaquam potuerit reparari.

IND. XIII. *Areobinda & Messala Coss.*

His Coss. Anastasij principis statua, in eodem loco quo dudum Theodosij magni steterat, super immanem columnam in foro Tauri statuta est.

IND. XV. *Anastasio Aug. III. Coss.*

Seditio popularis in Circo facta est, miles & armatus obstitit. Gradus Circi septentrionalis sua cum fornice incensum collapsique sunt, Anastasio Cæsare in processibus commorante.

IND. I. *Celere & Venantio Coss.*

Romanus Comes Domesticorum, & Rusticus Comes Scholariorum, cum centum armatis nauibus, toridemque dromonibus, octo millia militum armatorum secum ferentibus, ad deuastanda Italix litora processerunt, & usque

ad Tarentum antiquissimam ciuitatem aggressi sunt, remensōque mari inhonestam victoriam, quam piratico ausu Romani ex Romanis rapuerunt, Anastasio Cæsari reportarunt.

IND. II. *Opportuno solo Cos.*

Orto Augusta vrbe incendio vtramque porticum à foro Constantini vsque ad Perdicæ tenuissimam statuam ignis in puluerem redegit. Portus Iuliani vndis suis rotalibus machinis prius exhaustus, cernōque effosso, purgatus est.

IND. III. *Boëtio solo Cos.*

Simulacrum æneum in foro Strategij super fornicem residens, & cornu copię fortunę retinens incendio proflammatum est, combustūque amisit brachium, quod tamen statuarij continuò solidarunt. Appius Patricius exulatus est. Constantinus olim Magister militiæ episcopus Laodiceæ ordinatus.

IND. IV. *Secundino & Felice Coss.*

Macedonius Augustæ vrbis episcopus, licet olim Anastasij Imperatoris dolis fallaciisque circumuentus, prauorum testimoniis eidem accusatus, quoniam tomum sanctorum Patrum apud Calchedonam sancta dudum subscri-

Dij

prione roboratum, eidem principi dare distulit, ab eodem Euchaïta in exilium deputatus est. Locum Macedonij Timotheus meridiano tempore ab Anastasio Cæsare episcopus ordinatus inuasit.

IN D. V. *Paulo & Musciano Coss.*

Sæpe cælum à septentrionali plaga ardere visum est. Die dominico, dum iubente Anastasio Cæsare, per Marinum, perque Platonē in ecclesiæ pulpito consistentes, in hymnū Trinitatis Deipassianorum quaternitas additur, multi Orthodoxorū pristina voce psallentes, perfidósque præcones clamoribus obiurgantes, in eiusdem ecclesiæ gremio cæsi sunt, ductique in carcere perierūt: altera nihilominus die in atrio sancti Theodori maiori cæde Catholici pro fide vnica perculsi sunt. Quapropter commota Orthodoxorum agmina die sequēti, id est VIII. Idus Nouēb. (in quo die memoria cineris dudum totam Europā regentis apud Byzantios celebratur) in forū Constantini vndiq. cōfluunt: quorum alij quidem, cæteris die noctūque hymnum Trinitatis Christo Deo psallentibus, totam peragrant ci-

uitatem, & Anastasij Cæsaris monastico habitu adsentatores ferro flâmisque interimunt: alij claues portarum, omniâque signa militaria ad forum, quo religionis castra metati fuerant, deferunt; ibique Anastasio Cæsare in processibus degente, Arcobindam sibi imperatorem fieri clamitant. Imaginibus deinde, statuisque Anastasij in terram deiectis, Celerem & Patricium Senatores, ad se supplicandi sibi vel fatisfaciendi gratia missos, iactis pluuiæ instar lapidibus repulerunt. domibus Marini & Pompei succensis. In circum ad Anastasium venientes, & ante suum solium consistentes, hymnum Trinitatis iuxta morem Catholicorum concinentes, coruscânsque Euâgelium, crucemque Christi ferentes, è foro plurimi conuenerunt, Marinum, Platonemque prauitatis eius autores feris subiici conclamantes. Hos ciues idem Anastasius Cæsar solitis periuriis, simulatisque vocibus, sese facturum cuncta promittens, tertio die quàm in forum aduenerant, sine vllò rerum effectu ad sua fecit habitacula repedare. Porro redintegrata Anastasius prauitate, infamem & irri-

dendam synodum apud Sidonem ciuitatem, cuius de nomine in ridiculis nomina præponuntur, L x x x. fermè perfidorum episcopis congregatis; aduersum Orthodoxorum episcopum, fieri imperauit. Flauianus Antiochiæ Catholicus Patriarcha, & Ioannes Paltensium oppidi pontifex, quoniam hunc cœterum sacrilegum refellerant, in castellum quod Petra dicitur, exules missi sunt. Ibi Flauianus confessor Christi in Domino requieuit: Ioannem Iustinus Aug. mox Imperator factus est, reuocauit. Iisdem fermè temporibus solis defectus contigit. Gens Erulorum in terras atque ciuitates Romanorum iussu Anastasij Cæsaris introducta.

IND. VI. *Clementino & Probo Coss.*

Seuerus Eutychetis perfidiæ cultor, Anastasio Cæsare volente, sedem Flauiani antistitis ex monacho factus episcopus occupauit. Dorotheus Ancyra ciuitatis venerandus antistes, Anastasio principi propter vnicam Orthodoxorum fidem iugiter aduersarius, finem viriendi, quem sibimet misso contra se à Cæsare Magistriano ipse prædixerat, in dicto tempore fecit.

IND. XII. *Senatore solo Cos.*

Vitalianus Scytha assumptis Romanorū equitū peditūque plusquam LX. millibus armatorū in triduo congregatorum, in locum qui Septimus dicitur, aduenit, ibiq. castra metatus est; dispositisque à mari in mare suorum ordinibus, ipse ad vsque portam, quæ aurea dicitur, sine ullius accessit dispendio; scilicet pro Orthodoxorum se fide, proque Macedonio vrbis episcopo, in cassū ab Anastasio principe exulato, Constantinopolim accessisse asserens. Porro Anastasij simulationibus atque periuriis per Theodorum internuncium illectus atque illusus, octauo die quàm urbem accesserat, remeauit. Hinc Odyssum Mœsiæ ciuitatē Vitalianus pernoctans astu ingressus est. Cyrillum lenocinantem magis, quàm strenuum militiæ ductorem, inter duas pellices Vitalianus reperit dormientem, eumque abstractum mox cultro Getico iugulauit, hostemque se Anastasio Cæsari palam apertè exhibuit.

IND. VIII. *Anthemio & Florentio Coss.*

Romanæ ecclesiæ L. Hormisda episcopus ordinatus vixit annos IX. Idem

D iiij

Vitalianus eidem Anastasio Imp. immānior factus est inimicus. præmissis quippe suorum equitibus, armatisque nauiculis sinistro sibi littore decurrentibus, ipse peditum armis stipatus Syllthenēse prædium ingressus est, totiūque loci palatium habuit mansionem. Missi sūt ad Vitalianum à Cæsare Senatores, qui pacis cum eo leges componerent. nonaginta auri pondo, exceptis regalibus muneribus, pro pretio tūc accepit Hypatij, iam mille centum auri libris cum Vranio captiuo sibi à suis in Sozopoli oblatis. Magister militum Vitalianus per Thraciam factus, Hypatium, quem captiuum catenatūque apud Acres castellum tenebat, reuersus suo remisit auunculo. Ea tempestate Hunni Armenia transmissa totam Cappadociam deuastantes, vsque Lycaoniam perrexerunt: Ariadne Augusta LX. annis in palatio exactis vita decessit.

IND. IX. *Petro solo Cos.*

Mutata fide Anastasius Imp. Vitaliano succedit, eidemque Rufinum destinat successorē. Helias Hierosolymitanæ vrbs episcopus in villa, quæ Haila dicitur, ab eodem principe relegatus

emoritur. Laurentiū præterea Lychni-
densem, Domnionem Serdicensem,
Alcissum Nicopolitanum, Gaianum
Naifitanū, & Euangelum Pautaliensē,
Catholicos Illyrici sacerdotes, suis A-
nastasius præsentari iussit obtutibus.
Alcissus, & Gaianus episcopi apud By-
zantium vita defuncti sunt, vnoque se-
pulchro recōditi. Domnionem & Euan-
gelo ad sedes proprias, ob metum Illy-
riciani Catholici militis, extemplo re-
missis, solus Laurētius Anastasium Imp.
in palatio pro fide Catholica sæpe con-
uincens, apud Comitatum, ac si in exi-
lio relegatus, retentus est, mobiliór-
que deinde corpore, quàm Constanti-
nopolim aduenerat, effectus. Nam se-
ptimo infirmitatis suæ anno idem Lau-
rentius fide sua, sed Christi gratia, in
atrio Cosmæ & Damiani sanatus est,
pedibusque sistere propriis, gressibus-
que meruit confirmari, suæque dein
patriæ incolumis reddi, vbi maior octo-
genario requiescit.

IND. IX. *Anastasio & Agapito Coss.*

Olla illa quæ in Hieremia vate ab A-
quilone aduersum nos nostraque deli-
cta sæpe succenditur, tela ignita fabri-

D v

cavit, maximamque partem Illyrici iisdem iaculis vulneravit. Duæ tunc Macedoniæ, Thessaliæque vastata est, & usque Thermopylas, veteremque Epirum, Getæ equites deprædati sunt. Milite tunc librarum auri denarios per Paulum Anastasius Imperator pro redimendis Romanorum captivis, Ioanni Præfecto Illyrici misit. deficiente pretio, vel inclusi suis cum domunculis captivi Romani tenti sunt, vel pro muris clausarum urbium trucidati.

IND. XI. *Magno solo Cos.*

In provincia Dardania assiduò terræmotu xxi v. castella vno momento collapsa sunt. Quorum duo suis cum habitatoribus demersa, quatuor dimidia ædificiorum suorum hominumque amissa parte destructa, undecim tertia domorum, totidemque populi clade deiecta, septem quarta tectorum suorum, tantæque plebis parte depressa, vicina verò metu ruinarum despecta sūt. Scopus namque metropolis, licet sine civium suorum hostem fugientium clade, funditus tamen corruit. Vno in castello regionis Canisæ, quod Sarnunto dicitur, ruptis tunc terra venis, & ad instar torri-

dæ fornacis exæstuans, diutinū altrinsecus feruentemq; imbrē euomuit. Plurimi totius prouinciæ montes hoc terræmotu scissi sunt, saxaque suis euulsa compagibus, deuolutaque arborum crepido per xxx. passuum millia patens, & in xii. pedum latitudinem dehiscens, profundam aliquantis voraginem ciuibus, castellorum saxorumque ruinas, vel adhuc hostium incursiones fugientibus, iussa parauit. Anastasius Imp. subita morte præuentus maior octogenario periit: regnauit annos xxvii. menses ii. dies xxix.

IND. xii. *Iustino Aug. & Eutharico Coss.*

Iustinus à Senatu electus Imperator continuò ordinatus est. Amantius palatij Præpositus, Andreas, Misael, & Ardabur cubicularij, Manichæorum fautores, & Iustini Augusti comprehensi sunt proditores. Quorū duo, Amantius & Andreas, ferro trucidati sunt: Misael & Ardabur Serdicam in exilium missi. Theocritus Amantij satellites, quem idem Amantius Præpositus ad regnandum clam præparauerat, comprehensus, & in carcere saxis confusus ingentibus petiit, salsóque in gur-

gite iacuit, sepultura quoque cum imperio cui inhiarat caruit. Vitalianus Scytha Iustini principis pietate ad rempublicam reuocatus, Constantinopolim ingressus est, septimoque receptionis suæ die Magister militiæ ordinatus.

IND. XIII. *Vitaliano & Rustico Coss.*

Vitalianus Consul VII. mense consulatus sui XVI. vulneribus confossus, in palatio cum Celeriano & Paulo satellitibus suis interemptus est.

IND. XIII. *Iustiniano & Valerio Coss.*

Famosissimum hunc Consulatum Iustinianus Consul omnium Orientalium Consulatu profecto munificentior his liberalitatibus edidit. Nam CCLXXXVIII. milia solidorum in populum, inque spectacula siue in spectaculorum machinam distributa, XX. leones, XXX. pardos, exceptis aliis feris, in amphitheatro simul exhibuit. Numerosos præterea phaleratosque in Circo caballos iam donatis quoque impertiuit aurigis, vna duntaxat vltimaque mappa infanienti populo denegata.

IND. XV. *Symmacho & Boetio Coss.*

IND. I. *Maximo solo Cos.*

Plerique lapidatorum, percussorum,

urbisq; depopulatorum, sua ob scelera deprehensi, ferro, igni, suspendiôq; expensi sunt, gratum bonis ciuibus spectaculum exhibentes.

I N D. I I. *Iustino Aug. II. & Opilione Coss.*

His Consulibus inopia olei magnam penuriam in populum importauit.

I N D. I I I. *Filoxeno & Probo Coss.*

Ioannes Romanæ ecclesiæ Papa L I. anno à Petro Apostolorum Pontificûque præfule cccclxxv. sessionis eius, Theodorico rege pro Arrianorum suorum cæremoniis reparandis laborante, solus duntaxat Romanorum sibi decessorum, vrbe digressus Constantinopolim venit, miro honore susceptus est. Dexter dextrum ecclesiæ insedit soliu, diçq; Domini nostri resurrectionis plena voce Romanis precibus celebrauit.

I N D. I V. *Olybrio solo Cos.*

Toram Antiochiam Syriæ ciuitatem repens inter prandendum terræmotus inuasit. alioquin occiduam urbis magnamq; eius partem, sinistris mox ventis vndique flantibus, flammæque coquinarû pro tempore æstuentes ruerint in ædificia miscentibus, duplex torridumque exitium importauit. Eufra-

sum quoque totius vr̄bis episcopum
adempto eius capite, combusto simul
obruit sepulchro, obelisco Cīrci inuer-
so, & humi defosso.

IND. V. *Mabertio solo Cos.*

Anno regīe vr̄bis conditæ cxcvii.
Iustinus imperator Iustinianum ex so-
rore sua nepotem, iamdudum à se nobi-
lissimum designatum, participē quoq.
regni sui, successoremque creauit Cal.
Aprilis. ipse verò quarto ab hoc mense
vita decessit, anno imperij ix. mense i.

IND. VI. *Iustiniano Aug. solo Cos.*

Anno regīe vr̄bis conditæ cxcviii.
regium vestibulum, priscūque in eo
solium, ob aspicienda probandaque in
Circo certamina structum, victor Iusti-
nianus princeps, eminentius clariusque
quàm fuerat, & vtramque Senatorum
ex more spectantium porticum solita
magnanimitate redintegrauit, bonis
quidem agitatoribus præmium, ignavis
autem seueritatem innuens.

IND. VII. *Decio solo Cos.*

Parthis bella mouentibus arma Ro-
manus parauit exercitus, finēsque suos
rebellans tutatus est. Hæc expeditio
nostrorum pene per quinquennium te-

nuit, digressaq. Oriente Africam petit,
contra Vandalos feliciter dimicatura.

IND. VIII. *Lampadio & Oreste Coss.*

Mundo Illyricianæ vtriusque militiæ
ductor, dudum Getis Illyricum discursantibus primus omnium Romanorum ducum incubuit, eosque haud paucis ipsorum interemptis fugavit. His autem deinde Coss. idem dux audaciæ suæ secundus in Thraciam quoque aduolans, prædantes eam Bulgares feliciore pugna cecidit, quingentis eorum in prælio trucidatis.

IND. IX. *P. C. Lampadij & Orestis Coss.*

His Coss. Codex Iustinianus orbi promulgatus est.

IND. X. *item P. C. Lampadij & Orestis Coss.*

Hypatius, Pompeius, & Probus genere consobrini, Diuique Anastasij nepotes, imperium quod sibi singuli indigna ambitione exoptabant, Idibus Ianuariis, iam plerisque nobilium coniuratis, omni que seditiosorum turba armis donisque ministratis illecta, dolis inuaderetentauerunt, atque per quinque continuos dies urbem regiam rapinis, ferro, ignéque per sceleratos ci-

ues, sine certo interrege discursantes, hostili impietate, ipsi se fideles reipublicæ in palatio dissimulantes, depulati sunt. Quinta verò huius infandi sceleris die, dum de foro Hypatius sceleratorum comitum manibus torqueredimitus aureo, & Pompeius comes eius sua sub veste loricator, ad inuadendum conscēdunt palatium; vterque eorum ante fores palatii captus est, statimque piissimi principis nostri nutu catenatus, trucidatusque pœnas luit, & antè imperium perdidit, quàm haberet, innumeris passim in Circo populis trucidatis, & tyrannorum sociis continuò proscriptis. Ecclesia tunc incensa mox cœpit ab eodem Augusto renouari.

IND. XI. *Iustiniana Aug. III. Cos.*

Post diuturnum immanēque laborem contra Medos Romanis gestum sudoribus, tandem per Rufinum patricium, perque Hermogenem Magistrum officiorum, vtrumque legatum à principe nostro missum, pax cum Parthis depacta est. Sponsionem percussi fœderis ab utroque Imperatore inuicem sibi munera in concordiam missa secuta sunt.

IND.

IND. XII. *Iustiniano Aug. IV. &
Paulino Coss.*

Prouincia Africa, quæ in diuisione orbis terrarum à plerisque in parte tertiâ posita est, volente Deo vindicata est. Carthago quoque ciuitas eius anno excidionis suæ x c v i. pulsus deuictisque Vandalis, & Gelimero rege eorum capto, & Constantinopolim misso, quarto Iustiniani principis Consulatu ipsius moderatione recepta est, sua cū patria firmitus, quàm dudum fuerat, redintegrata. Quo tempore Theodahadus rex Gothorum Amalasuentham reginam creatricem suam de regno pulsam in Insula Iaci Bulfiniensis occidit. Cuius mortem Imperator Iustinianus vt doluit, sic & vltus est.

IND. XIII. *Belisario solo Coss.*

Postquam Carthago Libyaque suo cum rege Gelimero per Belisarium est subiugata, de Roma Italiaque deliberat Imperator. iterumque expeditio; iterumque classis paratur, idemque ductor qui Consul eligitur, rectè ôquenauius Siciliam properat, Catanam & Syracusas sine mora, immo omnē peruenit Trinacriam. Ibi que comperiens quod in Africa ciuile bellum exoritur;

E

& miles in proprium ducem infurgit, cum paucis ad Africam tendit, Solomoni qui præerat subuenit: exercitum verò partim blandiendo, partim vlciscendo, inimicum tyrannum effugando, reipublicæ consulit vtilitati, remens quoque nauigio Trinacriam redit. Agapitus Romanæ vrbis episcopus à Theodato rege Gothorum in legationem directus Cōstantinopolim venit. Tzitta Patricius in Mysia cum hoste Bulgarum congregiendi ad Iatrum superior inuenitur. Epiphanius episcopus regiæ Vrbis ante aduentum Romani præsulis moritur. cuius episcopatum cōtra canones Anthimus Trapezuntena ecclesia relicta inuadit.

IND. XIV. *Post Consulatum Belisarij.*

Ebremud Theodati gener relicto exercitu regio in Brutiis, ad Belisarium in Siciliam conuolauit. In Africa verò, Solomone itidem cum exercitu dissidente, Germanus succedit Solomonem remittens ad Principem. Belisarius Cāpaniam transiens Neapolim vastat. Gothorum exercitus Theodahadum regē habens suspectum, Vitigem in regnum adsciscit. qui mox in campo barbarico

regnum peruasit. Expeditione soluta Romam ingreditur, ubi iam Agapito Constantinopoli defuncto, Theodahadus rex Siluerium episcopatu subrogat. ibique residens dirigit Rauennam, Theodatum occidit, in loco qui dicitur Quintus, iuxta fluuium Santernum: & ipse subsequitur per Tusciam, omnes opes Theodati diripiens, quas in Insula, vel in Vrbe vetus congregauerat. Rauennamque ingressus Matefuentham neptem Theodorici sibi sociam in regno plus vi copulat, quam amore. Belisarius fauente Domino Romam ingreditur. Germanus in Africa feliciter administrat. Agapitus Constantinopolim, ut diximus, de Roma adueniens, Anthimum mox ecclesia pellit, dicens eum iuxta ecclesiasticam regulam adulterum, qui sua ecclesia dimissa ambierat alienam. in cuius locum Mennam presbyterum episcopum ordinauit: & ipse extremum diem obiit in Domino. in nullo tamen, sicut ei à Principe obiciebatur, sentiens contra fidem. Ipso namque anno ob nimiam siccitatem pastura in Perside denegata, circiter quindecim millia Saracenorum ab Alamundaro

E ij

cum Chabo & Hezido phylarchis limites Euphratesis ingressa sunt. Vbi Bartzas dux eos partim blanditiis, partim distractione pacifica fouit, & inhiantes bellare repressit.

IND. XV. Iterum P. C. Belisarii

Vitiges Tyrannus exercitu aggregato Romam obsidet. cui tunc fauentem Papam Siluadium Belisarius ab episcopatu summouit, & loco eius Vigilium Diaconum ordinauit. Temporēq. longo Romam obsidente Vitige, Belisarius intus inedia vigiliisque laborans, auxilium ab Imperatore deposcit. Cui directi sunt Martinus & Valerianus, uterque Magister militiæ. nec sic tamen Vitiges obsidionem reliquit. In Africa Germanus rebellionem milites cū Stotza Tyrannō inter Maurorum deserta bellando effugat. In Oriente quoque Ioannes Cottistis arripies tyrannidem, antequam aduersū quicquam tentaret, Daras extinctus est. Ecclesia maior Constantinopoli ab Imperatore Iustiniano singulariter in mundo constructa dedicatur die VI. Kalend. Ianuarias.

IND. I. Ioanne solo Cos.

Adhuc Vitige in obsidione Romæ

morante, Ioannes Magister militū cum Batza, Conone, Paulo, Remaque inlustribus, magnoque exercitu apparato, ad Italiam properant, castraque ad portum Romanum conlocant, laboranti Romæ subueniunt. Quorum aduētum Vitiges cernēs, trium mensium temporis cum Belisario pacta confirmat, suosque legatos ad Imperatorē transmittit. In qua pace Belisarius Campaniā redit, annonæ copiā Romæ inlaturus. reuersusq. Campania contrarium sibi de medio aufert Constantinum Patricium. Ioannes verò in portu quæ posuerat castra deserens, Samnitum regionem ingressus est, Aternóq; oppido expugnato, Tremonem Gothorum ducem cum suis prosternt: Ortonam quoq; similiter inuadit, Picenum deprædans Ariminum occupat. Quo audito Vitiges ab obsidione Urbis, in qua adhuc post turbatam pacem consistebat, relicta Roma, per Clodiæ aggerem, & annonariā Tusciam transit Apenninum, & in Rubiconis fluminis ripa castra metatus, Ariminum obsidet. Vnde proturbatus à Narsete de Constantinopoli, & à Belisario de Roma venientibus, fugit Ra-

uennam. Cuius nepos Oraio Mediolanum longa inedia deſerit, Mundilam, Paulúmque duces ibi poſitos cum ſuo milite obſidens. Narſete verò Arimino reſidente, Belifarius accedens Romam ad exhymandum, deditione ſuſcipit Vrbinum, & Urbemverus, & Inſulam Iaci Bulſinenſis.

IND. II. *Appione ſolo Coſ.*

Narſes reuertitur Conſtantinopolim, Belifarius obſidens Auximum ſeptimo menſe ingreditur, ſimilitérque & Feſulam. Gothi Mediolanũ ingreſſi muros diruunt, prædamque potiti omnes Romanos interficiunt. Mundilam, Paulúmque duces abducunt Rauennam. Theudibertus Francorum Rex cū magno exercitu adueniens, Liguriam, totámque deprædat Æmiliam. Genuam oppidum in littore Tyrreni maris ſitum euertit, ac prædat. Exercitu dehinc ſuo morbo laborante, vt ſubueniat paſſens cum Belifario, ad Gallias reuertitur. Germanus de Africa Conſtantinopolim euocatur. Solomon ibi ruruſ dirigitur. Calluc Magiſter militum cum Gepidis primũ feliciter dimicans, ſecundo infeliciter ruit.

IND. III. *Iustino iun. solo Cos.*

Parthi in Syriam ingressi multas vrbes subuertunt. contra quos Germanus arma arripens, Iustinum filium, eundemque Consulem, in ipsis fascibus secum ducit. Antiochia magna depraedata demolitur à Persis. Belisarius Rauennam ingreditur, regem Vitigem, & reginam, cunctasq; opes, Gothosque nobiliores tollens secum, ad Imperatorem reuertitur, euocante se Marcello Comite. Solomon in Africa feliciter dimicans rebellionem proturbat. Gothi trans Padum residentes, Oraio Vitigis nepote & Heldebado ductantibus, Vitigem regem cum regina, opibusque palatii, necnon & Gothos audientes sedibus propriis pulsos, Orientemq. per Belisarium abductos, rebellare disponunt, regem sibi statuentes Heldebadum, contra quem debellaturus Bessa patricius Placentiam à Rauenna conscendit, Constantino Rauennam de Dalmatiis, ut praeficeret exercitui, ab Imperatore directo.

IND. IV. *Basilio solo Cos.*

Parthis persistentibus inimicis, Belisarius Orientis suscepit expeditionem, Germano regresso ad urbem regiam.

E iiij

Gothi Heldibado occiso Erarium sibi ordinant regem, Solomon in Africa interficitur, Sergius loco eius dux succedit belli, moderatorque prouinciæ.

IND. V. *Post Consulatum Basilij.*

Milites clam Veronam ingressi, dum auaritia inhiante de præda concertant, à Gothis egredientibus de latebris cum suo dedecore ciuitate pelluntur. Gothi Erario rege occiso Totilam in regnum manciparunt. Qui malo Italiæ mox Padum transit, & ad Fauentiam Æmilie ciuitatem Romanorum exercitum superat, duces effugat, Cæsenam & Vrbinum, Montem feretris, & Petrapertusa occupat, huc illucq. discurrens deuastat Italiam. Rursus in annonaria Tuscia ad Mucellos per Ruderit, & Viliarid, Bledamque duces suos Romanum exercitum superat. Quo prælio Bessa patricius vulnerat⁹ euadit; cæteri verò fugientes per quaquā saluati sunt.

IND. VI. *Post Consulatum Basilij anno II.*

Totila deuastat Campaniam, vrbesque muratas euertēs, per suos Tiburim obsidet. Mortalitas magna Italiæ solum deuastat, Oriente iam & Illyrico peræque attritis. In oriente Persis adhuc

tenentibus conflictum cum nostris, Sergius in Africa inquietatur à rebellionibus cum Stotza & Mauris,

IND. VII. P. C. *Basili anno III.*

Totila obsidet Firmum & Asculum, inuasamque Neapolim desolat, & Tibur. Roma verò obsidetur à longe, in qua præerat Ioannes Magister militum. In Oriente Belisario constituto, exulatur Ioannes ex Consule ordinario, Patricius, atq. Præfectus prætorio, & domus eius datur Belisario.

IND. VIII. P. C. *Basili anno IV.*

Totila Firmum & Asculum sub iuramento ingressus est: milite Romano cum rebus suis dimisso, crudelitatem suam in Romanos exercuit, eosque omnes nudat & necat. In Africa Ioannes intruens super tyrannum Stotzam, interimit eum, & ipse ab eius occiditur armigero. In qua tyrannide Ioannes quidam electus Stotzas iunior vocitatur. Belisarius de Oriente euocatus, in offensam periculumq. incurrens graue, & inuidiæ subiacēs, rursus remittitur ad Italiam. Qui veniens, Romam dirigit Bessam, Ioannem mittit ad Imperatorem. Totilas vastato Piceno, pugnans.

E v

que ad Auximum vincit. Indéque discurrrens per Tusciam, Spoletium destruit, & Asisium, Clusiumque oppida tenuit, & obsidet Perusiam.

IND. IX. P. C. *Basilij anno v.*

Vigilius Papa LIX. ab Apostolo Petro euocatus ab Imperatore Roma egreditur, & in Siciliam venit. Totila occupata Lucania & Brutiis Neapolim subvertit, Romam obsidet. De Africa Sergius euocatur, & Arcobindas nepte Imperatoris accepta, ibi iudex dirigitur. In Oriëte cum Parthis fœdus initur per Constantianum Magistrum militiæ, & exercitus reuertitur Constantinopolim.

IND. X. P. C. *Basilij v i.*

Gothilegationem mittunt ad Imperatorem per episcopum ciuitatis Asisinatium, nomine Auentium. Ioannes Magister militum ad Italiam properat. Belisarius à Rauenna egressus venit Dyrrachium. indéque directo Ioanne Calabria, ipse per Siciliã Romam perrexit. Papa Vigilius ingressus est Cōstātinopolim VIII. Kal. Febr. Totila dolo Isaurorum ingreditur Romã die XVI. Kal. Ianuarias, ac euertit muros, domos aliquantas igni cōburens, ac omnes Ro-

manorum res in prædam accepit. hos ipsos Romanos in Campaniâ captiuos abduxit. Postquam deuastationem, XL. aut amplius dies Roma fuit ita desolata, vt nemo ibi hominum, nisi bestię morarentur. Hincueniens Belisarius murorum partem restaurat, venientēque Totila ad pugnam resistit. Eodemque anno de Africa neptis Imperatoris reuertitur vidua, occiso Arcobinda à Gunthario Tyranno, qui cum Stotza iuniore tractans cum occiderat. Sed Artabanes vtrosq. comprehensos Guntharium occidit, Ioannem idem Stotzam iuniorem vinctum transmittit ad principem. Post aliquātos dies mittitur in Africā Ioannes, & Artabanes euocatus præsentale accepit Magisteriū.

IND. XI. P. C. *Basilij* VII.

Ioannes Magister militum in Campania prædans Gothos, nonnullos liberat Senatores. qui postea patitur nocturnum Totilæ superuentum Bulgarum suorum proditione. * * *

IND. XII. P. C. *Basilij* VIII.

IND. XIII. P. C. *Basilij* IX.

IND. XIV. P. C. *Basilij* X.

His temporibus in Africa Mauri per

Ioannem Patricium domiti sunt.

IND. XV. P. C. *Basilij* XI.

Hoc tempore Iustinianus Augustus Narsem eunuchum Chartularium & Cubicularium suum principem militiæ fecit, & in Italiam misit. Qui commissa pugna Dei gratia victor Totilam occidit, & gentem Gothorum, auxiliantibus etiã Longobardis, in Italia exterminavit. Per hæc tempora, cùm Buccelinus Comes cum sociis à Theodeberto rege Francorum dudum missus, per annos aliquot Italiam Siciliãmq. infestaret, & Romanum sæpe exercitum superaret, tandem exercitus eius profluvio ventris attritus, à Narse pugna victus & profligatus, ipse Dux occisus est. Nec multò pòst socius eius Omnirugus dux cum reliquis Gothorum quibus se iunxit, peremptus est.

IND. I. P. C. *Basilij* V. C. XII.

Theodebaldus Francorum rex moritur, & regnum eius vxorẽque Vanderadã Hlotarius rex patris eius Theodeberti patruus accepit, qui iam XLIV. annis regnabat. Quo ipso anno Hlotarius ipse Saxones rebellantes iuxta Vviseram fluvium magna cæde domuit, &

Thuringiam peruasam deuastauit.

IND. II. P. C. *Basilij V. C. XIII.*

Vigilius Papa tandem ab Imperatoribus Romanis, & à Narſe de exilio relaxatus, cùm Romam redire cœpiſſet, in Sicilia morbo calculi tactus deceſſit: móxque Romam perlatus apud S. Marcellum in via Salaria ſepultus eſt. Pro quo ordinatus Pelagius Papa LXII. ſedit annis XI. menſibus X. Qui à populo Romano factionis contra Vigilium incuſatus, celebratis vna cum Narſe litaniiſ, apud S. Petrum ambone aſcenſo, Euangelioque ſuper caput ſuum poſito, iuramento ſe crimine purgauit.

IND. III. P. C. *Basilij V. C. XIV.*

Hoc tempore Saxones iterum Hlo-tario rebellantes, cùm ab eo peterentur hoſtiliter, eique pro ſatisfactione dimidium rerum ſuarum offerrent, idq. exercitus Francorum refutans eo inuito pugnaſſet, magna ab eis cæde protritit fugæ præſidium petiit.

IND. IV. P. C. *Basilij V. C. XV.*

His diebus Hramnus patri ſuo Hlo-tario, annuente patruo Hildeberto rebellans, regnum Francorum ſeditione perturbat. Saxones factione Hildeber-

ti in Francia prædas egerunt. Hildebertus Remensem Campaniam populatur.

IND. V. P. C. *Basilij V. C. XVI.*

In Britannia Bridus rex Pictorum efficitur. Hildebertus rex Francorum circa hæc tempora moritur, & Parisius in Basilica S. Vincentij à se constructa sepelitur, regnumque eius frater Hlotarius assumens, totam paterni regni monarchiam obtinuit.

IND. VI. P. C. *Basilij V. C. XVII.*

Hramnus patrem Hlotarium, quem multis malis offenderat, hoc tempore in Britanniam fugiens, insequente eo ibidem cum Conoboro rege pugnavit & captus, cum vxore & filiabus vivus incensus est. Quo etiam tempore Turonis basilica S. Martini rebellibus ad eam fugientibus igne crematur.

IND. VII. P. C. *Basilij V. C. XVIII.*

IND. VIII. P. C. *Basilij V. C. XIX.*

IND. IX. P. C. *Basilij V. C. XX.*

IND. X. P. C. *Basilij V. C. XXI.*


IND. XI. P. C. *Basilij V. C. XXII.*

IND. XII. P. C. *Basilij V. C. XXIII.*

IND. XIII. P. C. *Basilij V. C. XXIV.*

IND. XIV. P. C. *Basilij V. C. XXV.*

FINIS.




SVMMA PRIVILEGII.

LVDOVICI XIII. *Francia & Navarra Regis Christianissimi Diplomate cautū est, ne quis in ipsius Regno aliisve locis eius ditioni subiectis, intra proximos decem annos à die impressionis perfectæ prima inchoandos excudat, vendat, excudendos, vendendosq; quouis modo ac ratione curet Libellos, qui inscribuntur, prior videlicet, Idatij Episcopi Chronicum, & Fasti Consulares. Et alter: Marcellini V.C. Comitis Illyriciani Chronicum, Opera & studio IACOBI SIRMONTI Societatis IESV Presbyteri: præter Sebastianum Cramoisy Bibliopolam Parisensem, aut illos quibus ipse concesserit, sub pænis originali Diplomate contra delinquentes expressis. Lutetia Parisiorum 5. Ianuarij 1619.*

De Mandato Regis,

RENOVARD.

F



II
D
ch
II

9(3
I